

Idi arpaḡadad oojai ismaacada ooji Paavora avaavitudadami Coriintoara oidacami

¹ Aana arPaavora dai Suusi Cristo covai giñvuusaitu ansaid arrootosadacana poduucai ipali Diuusi cascada. Aana amadu graduñi Sóstenes ² Diuuscada gnviaatuldi aatama aapima vaavitudadami masmaacada gnampaidiña Coriintoara dai siaa duutudaiña Diuusi. Aapima arDiuusi maamarada vaavitudaitai Suusi Cristo. Diuusi covai gnvuvaitu aapima masai gajiaadara vipiaadana vasi soimaascami dai maisiu mosaca aapima agai ismaacada vasi oidigara siaa duutudai Suusi Cristo ara. Suusi Cristo artaanadamigada agai dai aatama ara. ³ Aana ipalidi isDiuusi garooga amadu Suusi Cristo gartaanadamiga apiacagacara gannaijadagi dai apiaganiibastudacan tadacagi.

⁴ Vascara baigiñalidiña aana Diuusicada. Diuusi cagacara gannaiidi vaavitudaitai aapima Suusi Cristo. ⁵ Salliacada Diuusi cagacara gannaiidi aapima vai poduucai aapima cmaata caa ñiooquida dai caga aagidi aapima aa istumaasi aagai Diuusi ñiooquidara. ⁶ Poduucai isduucai ganaagidi aana sai Suusi Cristo istutuidi iscagacara gnvuvaidagi dai gansoiñagi masai cagacara oidacana, tai poduucai idui. ⁷ Dai

poduucai aapimΛ maiviΛΛga tomali Λmo istumaasi istumaasi Diuusi maacai vaavoitudadami. VΛasi gomaasi Diuusi gΛnmaacai nΛnΛracatai aapimΛ isdiviagi gΛrtΛaanadamiga Suusi Cristo. ⁸ Dai Suusi Cristo gΛnsoiñamu isapiavaavoitudada aapimΛ dai cΛΛgacΛrΛ oidacagi asta masiΛΛscadΛ coiyagi vai poduucai tomali Λmaadutai maigΛpiΛrΛ gΛnvuupadagi siΛΛscadΛ diviagi Suusi Cristo. ⁹ Diuusi vΛΛscΛrΛ ivueeyi istumaasi aagai. Dai Λgai gΛraagidi isapiamamadaiña aatΛmΛ gΛrtΛaanΛdamiga Suusi Cristo vuitapi Λgai gΛroigΛdai cascΛdΛ.

¹⁰ Giñaaduñi gΛrtΛaanΛdamiga Suusi Cristo giñmaa sΛΛlicami ansai gΛnaagidana masai Λmo tagitoidagai viaacana dai maitΛnvupui vΛΛtΛcana. Baiyoma avΛr cΛΛgacΛrΛ gΛnnΛijada aipacoga. ¹¹ Cloe aaduñdΛ giñaagidi masai aapimΛ gΛncocodaiña cascΛdΛ poduucai gΛnaagidi aanΛ. ¹² Λgai giñaagidi masai aapimΛ gΛnvupui vΛΛtΛcana pocaititai: “AatΛmΛ ΛrPaavora mamaatΛrdamigadΛ”. Dai sai aa pocaitiña: “AatΛmΛ ΛrApoolosi mamaatΛrdamigadΛ”. Dai sai aa pocaitiña: “AatΛmΛ ΛrSeefasi mamaatΛrdamigadΛ”. Dai sai aa pocaitiña: “AatΛmΛ ΛrCristo mamaatΛrdamigadΛ, dai aapimΛ gia cho”. ¹³ Λmoco viaaca Λlidi Λmo tΛaanΛdami dai aa viaaca Λlidi Λmai tΛaanΛdami poduucai gia maitΛrcΛΛgai. MosΛca Suusi Cristo tΛaanΛi vΛasi vaavoitudadami. AanΛ maimuu curusiaba masai cΛΛgacΛrΛ vuvacΛna aapimΛ. AanΛ maitΛnvapacoi masaidΛ ΛrgiñmamaatΛrdamicana. ¹⁴ AliΛ baigiñΛlidi aanΛ Diuusi vui ismaitΛnvapacoi aanΛ

tomali amaadutai aapimΛ mosΛca Crispo dai Gaayo vapacoi aanΛ. ¹⁵ CascΛdΛ tomali amaadutai aapimΛ maitistutuidi ispotΛiyagi sai aanΛ gΛnvapacoi mΛsaidΛ ΛrgiñmamaatΛrdamicana. ¹⁶ Utudami tΛgito aanΛ isEstéfana aaduñdΛ vapacoi aanΛ ΛpΛ, dΛmos maitΛgito aanΛ isvapaconai aa. ¹⁷ Suusi Cristo maitiñootoi ansai gavapaconana. Λgai giñootoi ansai gaaagidana isΛgai ΛrΛcΛΛgacΛrΛ vuviadami. Dai aanΛ maiñioocai Λmo saitudugami duuca. SiΛΛscadΛ gΛagadagi sai Suusi Cristo muu curusiaba sai cΛΛgacΛrΛ vuvacana oodami, Λoodami cΛΛgacΛrΛ vuvacΛi Diuusi guvucadagacΛdΛ dai maisiu cΛΛ maata ñioocaitai Λgai ismaacΛdΛ aagidi Diuusi ñiooquidΛ.

¹⁸ SiΛΛscadΛ gaaagiada aatΛmΛ isSuusi Cristo muu curusiaba dai poduucΛi cΛΛgacΛrΛ gΛrvuvaidi, Λgai ismaacΛdΛ iimia agai ΛDiaavora ΛΛmadu mosvuiirugami duuca caΛcana gomaasi, dΛmos aatΛmΛ ismaacΛdΛ Diuusi cΛΛgacΛrΛ gΛrvuvaidi vaavoitudai isgomaasi ΛrDiuusi guvucadadΛ. ¹⁹ Pocaiti Diuusi ñiooquidΛ:

AanΛ maatΛtuldamu oodami sai istumaasi aagai mamaatΛcami maitΛrsoiñi cΛΛgacΛrΛ vuvaidaragai vΛΛtarΛ.

Tomali istumaasi ivueeyi ΛastuduacΛdΛ maitΛrsoiñi ΛpΛ.

Ascaiti Diuusi.

²⁰ Tomali mamaatΛcami, tomali ma-maatΛtuldiadami tomali Λgai ismaacΛdΛ cΛΛ maata ñioocai maitistutuidi iscΛΛgacΛrΛ gΛrvuvaidagi. Diuusi gΛrmaatΛtuldi sai siΛΛscadΛ

ΛmamaatΛcami gamamaatΛtuldiada Λliadagi isducatai gataaanΛi Diuusi sai Λgai vupuiirugami duucaí ñioocai. ²¹ Diuusi cΛΛ maata istumaasi ΛΛgi Λgai ivueeyi. Diuusi maidagito tomali Λmo oodami isΛΛgi maatiagi isducatai gataaanΛi Diuusi tomali Λvaamioma sastuduacΛΔ, Diuusi baiyoma ipΛli iscΛΛgacΛra vuvaquiagi sioorΛ vaavoitudagi, nΛiditai ñiooquidΛ ismaacΛΔ oojisí tomasi aa vuiirugami duucaí nΛijadagi Diuusi ñiooquidΛ ismaacΛΔ aagai cΛΛgacΛra vuvaidaragai.

²² Αjudidíu ipΛlidi istΛΛgiagi mui naana maasi gΛgΛrducami ismaacΛΔ ivueeyi Diuusi dai poduucái maatiagi isbaigΛ Λrvaavoi Diuusi ñiooquidΛ ismaacΛΔ aagai cΛΛgacΛra vuvaidaragai, daidΛ Λgiliego ismaacΛΔ polidi isaliΛ sastuduga vaavoitudai mosΛcaasi istumaasi maivuidΛra caata mamaatΛtuldaragadΛ. ²³ DΛmos aatΛmΛ gamamaatΛtuldi isΛCristo ismaacΛΔ nΛnΛra Αjudidíu cadivia dai gΛmuaatu curusiaba dΛmos gomaasi aliΛsi Λrsiaa Λraragai Αjudidíu ismaacΛΔ maivaavoitudai vΛΛtarΛ, daidΛ Λgiliego vuiirugami Λlidi gomaasi. ²⁴ DΛmos Λgai ismaacΛΔ Diuusi Λco vuvaitu sai cΛΛgacΛra vuvacΛna tomasi ΛrΑjudidíu dai giliego Λgai maata isDiuusi aliΛ viaa guvucadagai dai isDiuusi aliΛ cΛΛ tΛtΛgitoi dai isDiuusi ootoi ΛCristo sai cΛΛgacΛra gΛnvuvaidana. ²⁵ Tomasi oodami vuiirugami Λlidi gomaasi ismaacΛΔ ivueeyi Diuusi dΛmos Diuusi vaamioma cΛΛga tΛtΛgitoi sioodami. Tomasi oodami polidi isDiuusi maiviaa guvucadagai dai dagito mΛsmuaagi ΛCristo curusiaba, dΛmos Diuusi vaamioma viaa guvucadagai sioodami. ²⁶ Giñaaduñi gΛaagai

masmaatacagi isDiuusi maiacovai vuvaitu mui sastudugami tomali mui tatlaanadami, tomali mui riricu. ²⁷ Baiyoma Diuusi aco vuvaitu mui ismaacada aoodami polidi isirvupuiirugami vai poduucai siaa arana sastuduacada, dai Diuusi aco vuvaitu mui ismaacada aoodami polidi ismaitistutuidi isgataanadagi vai poduucai siaa arana atlaanadami. ²⁸ Diuusi maidagitua agai atlaanadami isgataanadagi tavaagiarai baiyoma aco vuvaitu agai ismaacada maitartlaanadami dai ismaacada aoodami soi duucai naidi sai agai gataanaina tavaagiarai. ²⁹ Dai poduucai tomali amaadutai maigaducada galiadamu Diuusi vuitapi. ³⁰ Diuusi garmaa iibadagai utudui vaavoitudaitai aatama Suusi Cristo dai Diuusi ootoi Suusi Cristo tami oidigi daama sai poduucai maatana aatama isducatai calgacara vuvaidi agai oodami, dai Suusi Cristo muu curusiaba tasai aatama calgacara vuvacana cascada Diuusi calgacara garnaidi ducami istomali amo imidagai maisoimaasi iduñimudai aatama, Suusi Cristo garsoicai tasai calgacara oidacana maisoimaasi ivuaadatai, Suusi Cristo aragai ismaacada calgacara garvuvaidi. ³¹ Cascada pocaiti Diuusi ñiooquidara: “Tomali amaadutai maitaagai isgaducada galiadagi agaicada ismaacada ivueeyi baiyoma gaagai isbaiganliadagi agaicada ismaacada ivueeyi Diuusi”.

1 Damos giñaaduñi aidasa ii aan dai gnaagidi Diuusi ñiooquida aan maiamo caa maata ñioocadami duucai gnaagidi. 2 Aidasi gnamadu daacatadai aan, aan ipaliditadai isgnaagidagi siora arsuusi Cristo dai istumaasi ivuaadana dai vaamioma ipalidian ismaatca aapima isSuusi Cristo muu curusiaba cascada muiyoco gnaagidiña aan gomaasi. 3 Aidasi tucamara aayi aan gigivuquimi aan duaadimutugaitai poliditadai aan ismaicaga iduñia inagai giña duiñdaga. 4 Dai aidasi gnaagidi aan Diuusi ñiooquida aan maiamo caa maata ñioocadami duucai gnaagidi baiyoma Diuusi Ibada guvucadadada 5 vai poduucai aidasi vaavoitu aapima Diuusi Ibada gnvavoituli dai maisiu oodami caa maata ñioocadami.

6 Vascara agai saagida ismaacada vaamioma caga agidi Diuusi ñiooquida mamaatatuli aan vasi istumaasi Diuusi ginmamaatatuli vai poduucai agai vaamioma caga maatana Diuusi ñiooquida. Gomaasi maimaata aoodami ismaacada pocaiti sai agai arsastudugami tomali ismaacada vaamioma taaani. Agai maivascara taaanda agai. 7 Baiyoma aagidiña aatama istumaasi garmamaatatulidi Diuusi istumaasi agi agai maatcatadai. Gomaasi gatagitoitadai agai maiquiaa caquivacai oidigi abiaadara tatagitoitadai agai isducatai cagacara garvuvaidagi, tsai tomastuigaco oidacana aatama agi amadu. 8 Tomali amaadutai taataanadami oidigi daama maimaata caa gomaasi. Maata cacamudai agai maicurusiaba

siisamudai ΔSuusi Cristo ismaacΔdΔ vΛΛscatai gΛaagai issiaa duutuadamudai. ⁹ Dai Diuusi ñiooquidΔrΔ pocaiti daidΔ Δrvaavoi:

Diuusi bai duu mui naana maasi Δgai vΛΛtarΔ ismaacΔdΔ oigΔdai.

Δgai Δristumaasi istumaasi tomali Δmaadutai mainΔidiña tomali maicajiomacana tomali maitΔtΔgitoiña.

¹⁰ Gomaasi Δgai istumaasi Diuusi IbΔadΔ gΔrmamaatΔtuldi dai gΔrsoicΔi tΔsai maatΔcana. Diuusi IbΔadΔ cΔΔ maatΔ vΛΛsi istumaasi tΔtΔgitoi Diuusi.

¹¹ Tomali Δmo oodami maimaata istumaasi tΔtΔgitoi Δmai oodami mosΔjΔΔgi maatΔ istumaasi tΔtΔgitoi. Poduucai ΔΔpΔ tomali Δmo oodami maimaata istumaasi tΔtΔgitoi Diuusi dΔmos Diuusi IbΔadΔ maatΔ istumaasi tΔtΔgitoi Diuusi.

¹² Diuusi gΔrootosi gΔIbΔdaga sai gΔrΔΔmadu daacana, tΔsai poduucai maatΔ caΔcana vΛΛsi istumaasi cΔcΔΔgaducami istumaasi Diuusi ivueeyi aatΔmΔ gΔrvΛΛtarΔ. Maisiu oodami sastudugami gΔrmamaatΔtulidi gomaasi. ¹³ Idi ñiooqui ismaacΔdΔ gΔnaagidi aanΔ Diuusi IbΔadΔ giñmaatΔtuli maisiu oodami. Dai poduucai mamaatΔtuldiña aanΔ oodami ismaacΔdΔ ΔΔmadu daja Diuusi IbΔadΔ.

¹⁴⁻¹⁵ DΔmos Δgai ismaacΔdΔ maiΔΔmadu daja Diuusi IbΔadΔ maitistutuidi ismaata caΔcagi tomali isvaavoitudagi istumaasi gamamaatΔtuldi Diuusi IbΔadΔ gomaasi Δrvuiirudagai Δgai vΛΛtarΔ. MosΔcaasi Δgai ismaacΔdΔ ΔΔmadu daja Diuusi IbΔadΔ Δgai gia istutuidi ismaata caΔcagi vΛΛsi. DΔmos Δgai ismaacΔdΔ maiΔΔmadu

daja Diuusi IbΛada maitistutuidi ismaatiagi istuisi poduucai vaavoitudai aa. ¹⁶ Diuusi ñiooquidarΛ pocaiti: “Tomali Λmaadutai maimaata istumaasi gatΛgitoi Diuusi. Dai tomali Λmaadutai maitistutuidi ismaatΛtuldagi Diuusi”. DΛmos Diuusi IbΛada garΛΛmadu daaca aatΛma vaavoitudadami dai garsoicai tasai maatΛna tomasi palΛpi istumaasi tΛgitoi Suusi Cristo.

3

¹ Aidasi ganΛma daacatadai aanΛ, aanΛ maitistui iscΛga ganmaatΛtuldagi Λpan duucai Λgai ismaacΛda ΛΛmadu daja Diuusi IbΛada. AapimΛ ivuaadana istumaasi ipΛlidiña maisiu istumaasi ipΛlidiña Suusi Cristo. Baiyoma ganmaatΛtuli aanΛ poduucai isduucai mamaatΛtuldidiña aanΛ ismaacΛda utudama vaavoitudai. ² AapimΛ maitistutuiditadai ismaata caΛcagi istumaasi sijiacami ismaacΛda aagai Diuusi ñiooquidarΛ cascΛda ganmaatΛtuli aanΛ istumaasi maisijiacami. Dai vΛascara tomali sivi maiquiaa istutuidi aapimΛ ismaata caΛcagi. ³ AapimΛ quiaa ivueeyi istumaasi ipΛlidi. AapimΛ coimudadΛ tuutuiga dai oomaliga Λpan duucai vΛasi oodami ismaacΛda maivaavoitudai. Poduucai ivueeyi aapimΛ istumaasi ipΛlidi maisiu istumaasi ipΛlidi Suusi Cristo. ⁴ SiΛscada pocaitiada aapimΛ: “AanΛ ΛrPaavora mamaatΛrdamigadΛ”. Dai aa pocaitiada: “AanΛ ΛrApoolosi mamaatΛrdamigadΛ”. AapimΛ Λpan vueeyi ismaacΛda maivaavoitudai.

5 Apoolosi dai aanΛ aroodami. ¿Dai tuma guvucadagai viaa aatΛmΛ? AatΛmΛ mosΛrpipiooñigadΛ Diuusi. Diuusi Λcovai gΛrvuvaitu tΛsai gaaagidiña ñiooquidΛ dai aatΛmΛ gΛnaagidi aapimΛ mΛtai aapimΛ vaavoitu. 6 AanΛ apΛga gΛnaagidi Diuusi ñiooquidΛ dai gooquiΛrΛ Apoolosi vaamioma gΛnmaatΛtuli dΛmos Diuusi Λgai dai vaamioma gΛnvaavoituldi. 7 AanΛ ismaacΛdΛ ΛpΛga gΛnaagidi tomali Apoolosi ismaacΛdΛ gooquiΛrΛ gΛnaagidi aatΛmΛ maiviaa guvucadagai mosΛΛgi Diuusi. Diuusi ΛrΛgai ismaacΛdΛ vaamioma gΛnvaavoituldi. 8 Dai vΛΛsi Diuusi pipiooñigadΛ Λpan ducami dai Diuusi aa namΛquida agai gΛpipiooñiga tΛvaagiΛrΛ isΛmaadutai vaamioma cΛΛga iduñiagi aa duiñdadΛ tami oidigi daama vaamioma aa namΛquidamu Λgai mΛΛca. 9 AatΛmΛ ΛrDiuusi pipiooñigadΛ dai gΛnaagidi ñiooquidΛ dai Diuusi vaamioma gΛnvaavoituldi.

AapimΛ ΛrDiuusi maamaradΛ dai Diuusi IbΛadΛ gΛnΛΛmadu daja. 10 Diuusi giñmaa sΛΛlicami ansaidΛ gaaagidiña aanΛ ñiooquidΛ Diuusi guvucadadΛcΛdΛ. AidΛsi ΛpΛga gΛnaagidi aanΛ Diuusi ñiooquidΛ aanΛ gΛnaagidi isSuusi Cristo muu curusiaba. Gomaasi gΛaagai isΛpΛga vaavoitudagi. Vai sivi Λmai vaamioma gΛnmamaatΛtuldi Diuusi ñiooquidΛ. TomasioorΛ sioorΛ gamamaatΛtuldiadagi gΛaagai isgamamaatΛtuldiadagi istumaasi Λrvaavoi. 11 SiΛΛscadΛ Λmaadutai gΛaagacai gamamaatΛtuldiada aliadagi Diuusi ñiooquidΛ gΛaagai ispΛga gamamaatΛtuldiadagi isSuusi Cristo muu curusiaba. 12 Dai gooquiΛrΛ

vaamioma gamamaatatuldiadagi mosacaasi istumaasi arvaavoi dai maisiu istumaasi maitarvaavoi. ¹³ Si ascada diviagi Suusi Cristo dai naidagi ismaacada arcaga ivuaadami dai ismaacada armaicaga ivuaadami amaasi caga gamaatamu ismaacada vaamioma caga idui gaa duiñdaga. ¹⁴ Agai ismaacada gaaagidi mosacaasi istumaasi arvaavoi agai gia Diuusi aa namquidamu tvaagiar. ¹⁵ Damos agai ismaacada gamamaatatuldi istumaasi maitarvaavoi agai gia maiaa namquidamu Diuusi, tomasi agai cagacara vuusai.

¹⁶ Aapima arDiuusi maamarada dai Diuusi Ibadada ganlamadu daja. ¹⁷ Dai Diuusi acovai ganvuvaitu masai camaisoimaasi ivuaadama. Cascada isamaadutai ganmamaatatuldiadagi istumaasi maitarvaavoi, Diuusi alia soimaa taatatuldamu agai.

¹⁸⁻¹⁹ Tomali amaadutai maitaagai isagi ganvupuiirumadadagi. Isamaadutai polliadagi isalia saituduga aliasi gaagai istatgitodagi sai Diuusi vupuiirugami duucal naidi oodami sastuduacada. Sioma arcagai siaa oodami pocaitiadagi saida arvupuiirugami dai Diuusi vatar gia sastuduga agai. Diuusi ñioquidar pocaiti: “Agai ismaacada polliidi issastuduga, Diuusi dadagitoi sai jagi ganvupuiirumadaiña”. ²⁰ Dai pocaiti ar: “Ca maata Diuusi satatgitoidada ismaacada polliidi issastuduga maitarsoiñi iscagacara oidacagi”. ²¹ Cascada maitaagai msgancocoadagi sastuduacatai ganmamaatatuldiadamiga. Diuusi casi ganmaa vasi istumaasi tagito aapima. ²²⁻²³ Aapima

arCristo aaduñda dai Cristo arDiuusi marada. Dai aan da Apoolosi dai Piiduru arganpipiooñiga aapima. Dai oidigi araapima gantuidaga. Dai oidaga aapima dai coiya agai aapima, dai naidi aapima mui naana maasi istumaasi apvueeyi sivi, dai tagimu aapima mui naana maasi istumaasi dagavunña agai, vasi gomaasi arsoiña aapima ganvatar.

4

¹ Poduucai aapima aliasi glaagai isCristo pipiooñigada duucai garnaijadagi. Diuusi garootoi tsai ganmamaatatuldana istumaasi lagi Diuusi maatacatadai. ² Dai vascaga isamaadutai viaacagi amo aa duiñdagai glaagai iscala ivuaadagi. ³ Damos aan maivuum iñlidi tomamas caiti giñnidi aapima dai tomali maivuum iñlidi tomasi caiti giñnidi dudunucami. Damos aan maimaata isbaig arsoimaasi iducami aan. ⁴ Vascaga polidi iscalagacaga oidaga dai maisoimaasi ivueeyi, maisiu gomaasicada ismaacada tatagitoi aan potimu Diuusi ismaitarsoimaasi iducami. Mosagi agai maata isbaiga arsoimaasi ivuaadami aan ischo apr. ⁵ Dai cascada aapima maitaagai isapiapocaitiadagi ansai aan arsoimaasi ivuaadami asta siascada divia Suusi Cristo amaasi agai maasiuldamu istumaasi maitamaata sivi, asta istumaasi tatagitoiña oodami, dai siora calga ivuaadana Diuusi potadamu sai calga idui. ⁶ Dai casi gnaagidi aan sai glaagai masamaadugan duucai garnaijadagi Apoolo

ΛΛmadu aanΛ vai poduucai cΛΛga maatΛca aapimΛ sai maitΛaagai ispocaitiadagi sai vaamioma cΛΛgadu gΛnmamaatΛtuldiadamiga siaa. Dai poduucai ivuaada aapimΛ istumaasi Diuusi ipΛlidi. SiΛΛscadΛ pocaitiada aapimΛ gΛmaataΛ isgΛgΛrducΛdΛ gΛnΛlidi aapimΛ.
 7 AapimΛ maitΛaagai isgΛgΛrducΛdΛ gΛnΛliadagi. VΛΛsi istumaasi istutuidi aapimΛ isivuaadagi Diuusi gΛnmaa guvucadagai cascΛdΛ istutuidi aapimΛ isivuaadagi. ¿Tuimasi gΛgΛrducΛdΛ gΛnΛlidi aapimΛ ducami isΛΛgi aapimΛ viaacagi guvucadagai isivuaadagi?

8 AapimΛ poΛlidi iscamaataΛ vΛΛsiaΛcatai istumaasi aagai Diuusi ñiooquidΛrΛ. Dai aapimΛ tatΛaanΛdami duucai oidaga. Dai gajiaadΛrΛ gΛrviaa aapimΛ. SiΛΛsi ΛrcΛΛgaicamudai issΛΛlicΛdΛ ΛrtΛtΛaanΛdamicamudai aapimΛ siaatΛmΛ ojootosicami ΛpΛ gΛnsoiñacai gataaanΛdamudai.
 9 Λmo imidaga poΛlidi aanΛ sai Diuusi pipiooñi duucai gΛrnΛijada cascΛdΛ. Ducami istomali Λmo imidagai maitΛaanΛi aatΛmΛ tomali Λmo istumaasicΛdΛ. Dai ducami iscasi gΛrcoodia agadamudai oodami dai Diuusi tΛtΛaañicarudΛ dai oodami mosnΛijadamudai.
 10 Dai ducami isoodami vupuiirugami ducai gΛrnΛijadamudai gaaagiditai aatΛmΛ isSuusi Cristo ΛrcΛΛgacΛrΛ vuviadami. Mai aapimΛ povΛnΛlidi mΛsi aliaΛ sastuduga vaavoitudaitai Suusi Cristo. Ducami isaatΛmΛ maicΛΛga vaavoitudadagi Diuusi ñiooquidΛ mai aapimΛ poΛlidi mΛsai cΛΛga vaavoitudai. Ducami isvΛΛsi oodami soi duucai gΛrnΛijadagi dai ducami mΛsaapimΛ siaa gΛnduutuadagi.

11 AatΛΛ bibiuuguiña, dai tonocoñicana, dai maiyuucusucana, dai oodami soi duucaí gΛrnΛidiña, dai maivaacΛ aatΛΛ. 12 Dai iibiocorΛi aatΛΛ gaaata vaaadatai. Oodami soimaasi ñiooqui gΛraagidiña dΛmos aatΛΛ daanΛiña Diuusi sai Λgai soicΛiña. Oodami soimaasi gΛrtaatamituldiña tΛtai aatΛΛ maivui ñioocaiña. 13 Dai oodami gΛrñiooquidiña dΛmos aatΛΛ maacaiña ñiooqui ducami siΛrgΛraaduñica Λgai. Dai oodami voisiqui duucaí gΛrnΛidi.

14 AapimΛ giñmaamara gΛnducami nai aanΛ aliΛsi gΛnoigΛdai cascΛΔ poduucái gΛnoojidi aanΛ gΛnmaquia iñΛliditai ñiooqui maisiu gΛnsiaa ΛΛratuda iñΛliditai. 15 TomamΛsi aapimΛ viaacagi baivustaama miil mamaatΛtuldiadami ismaacΛΔ gΛnmamaatΛtuldi istumaasi aagai Suusi Cristo dΛmos maimuidu ismaacΛΔ Λpan ducami gΛnooga mosaca aanΛ. AanΛ gΛnaagidi isSuusi Cristo arcΛΛgacΛra vuviadami mΛtai aapimΛ vaavoitu cascΛΔ gΛnooga giñducami aanΛ. 16 CascΛΔ gΛndaanΛi aanΛ mΛsai giñΛpan duucaí oidacana.

17 CascΛΔ gΛnotosda iñagai aanΛ goTimoteo dai goovai gΛaagidamu isduucatai gΛaagai isoidaca aapimΛ. Goovai giñmara gΛducami nai aanΛ aliΛ oigΛdai dai goovai cΛΛga ivueeyi gΛaa duiñdaga. Dai goovai gΛnaagidamu isducatai ivueeyi aanΛ vaavoitudaitai Suusi Cristo, dai istumaasi mamaatΛtuldi aanΛ vΛΛsi aipacoga quiquiupiΛra. 18 ΛΛmadutai aapimΛ gΛgΛrducΛΔ gΛnΛlidi poΛliditai iñsaanΛ gΛnΛbΛidi dai cascΛΔ maitΛndidividi aanΛ. 19 DΛmos aanΛ otoma mΛΛca gΛnnΛida iñΛlidi

isDiuusi ipaldagi. Dai amaasi naidamu aanalla canga vaavoitudai dai salla canga oidaga agai ismaacada gagarducada ganalidi dai maisiu mosaca istumaasi aagai agai. ²⁰ Dai agai saagida ismaacada iduñia alidi istumaasi Diuusi ipalidi Diuusi guvucadada vaamioma gaagai sioodami ñiooquida. ²¹ Cagacaga avar oidaca aapima dai poduucai aanalla maitanbagaidamu silascada gaamu imiagi dai poduucai baigiñliadamu aanalla aapimacada.

5

¹ Sivi cajioma aatama ismaadutai aapima vana gaoga ooñigada. Gomaasi aramo istumaasi alia soimaascami. Dai maitipu oigaragai isivuaadagi tomali agai saagida ismaacada maiagidi Diuusi. ² Dai vascaga quiaa gagarducada ganalidi aapima. Baiyoma gaagai massiaa aradamudai dai soiganliadamudai. Alali ismaacada pomaasi idui maitaagai masdadagitodagi isvapacada agai ganampaidaraga. ³⁻⁴ Tomasi maiganlamadu daja aanalla vascaga gantatagitoina aanalla. Ataanadami Suusi Cristo giñmaa sallicami cascada ganaagidi aanalla istumaasi idui gocalli aliasi arsoimaascami. Aanalla ganaagidamu istumaasi gaagai isiduñiagi aapimalla ducami isganlamadu daacamudai aanalla. Ampaidavurai aapimalla vasi vaavoitudadami dai Suusi Cristo guvucadada ganlamadu daacamu. ⁵ Dai aagidavurai gocalli sai camaivapacainna ganampaidaraga vai poduucalla lamadu

aimaraiña oodami ismaacada ivueeyi istumaasi
 Diaavora ipalidi. Diaavora ali viaa guvucadagai.
 Poduucai samicada soimaa taatamu agai. Dai
 agai soimaasi taatacai istutuidi siama duucai
 gatagituagi dai camaisoimaasi ivuaadagi
 poduucai cagacara vuusaiña siascada diviagi
 laaanadami Suusi Cristo.

⁶ Maitaagai masgagarducada ganliadagi
 poliditai mascalga ivueeyi. Ca maata aapima
 sai amo oodami soimaasi ivuaadami istutuidi
 issoimaasi iduiñtuldagi mui oodami. ⁷ Cascada
 gaaagai isaagidagi gocali sai camaivapacaiña
 ganmpaidaragara. Agai istutuidi issoimaasi
 iduiñtuldagi aa vaavoitudadami tomasi maiquiaa
 soimaasi iduiñtuli aa. Suusi Cristo arapan ducami
 laali cañiru ismaacada coodaiña ganaadunicaruru
 agaa siaa duudagara ismaacada pascua tagidu
 vai poduucai Diuusi oigaldiña soimaascamigada.
⁸ Dai poduucai aatama gaaagai iscamaisoimaasi
 ivuaadagi dai cagacara oidaca.

⁹ Casi ganaagidi aanama mai oojigara dai
 maitaagai masuurapacadagi agai ismaacada
 googosi ganducami. ¹⁰ Damos aanama maitanaagida
 inlilitadai masai gajiaadara vipiadana vascatai
 ismaacada googosi ganducami, dai ismaacada
 coimudad tuutuiga, dai ismaacada asivoga,
 dai ismaacada siaa duutudai momoono.
 Ismaiñiooquiada agadamudai aapima goodami
 avnacai isiimia aapima idi oidigi daamadara.
¹¹ Baiyoma ganagida inlilitadai aanama masai
 maiuurapacaiña agai ismaacada pocaitiada
 saida arvaavoitudadami dai vascara googosi
 ganducamicagi, dai coimudad tuutiacagi, dai

ñiooquiadagi aa oodami, dai navacoitΛracagi, dai ΛΛsivoacagi, tomali maitΛaagai mΛsgacuaadagi Λgai ΛΛmadu. 12-13 AanΛ maiviaa sΛΛlicami isaagadagi ismaacΛdΛ ΛrcΛΛga ivuaadami dai ismaacΛdΛ ΛrmaicΛΛga ivuaadami, Λgai ismaacΛdΛ maitΛrvaavoitudadami mosΛΛgi Diuusi viaa sΛΛlicami. DΛmos aapimΛ vaavoitudadami Λgi gΛnsaagida gΛaagai isaagadagi ismaacΛdΛ maicΛΛga ivuaadagi. MaitavΛr dadagitoda gocΛΛli soimaasi ivuaadami isgΛnsaagida vapacΛdagi siuu duucu siaa duutuadagi aapimΛ Diuusi.

6

1 SiΛΛscadΛ Λmaadutai aapimΛ viaacagi Λmo istumaasi gΛaduñi vaavoitudadami vui maitΛaagai isvan cΛcΛsadagi dudunucamiΛrΛ ismaacΛdΛ maitΛrvaavoitudadami. 2 MaitamΛs maata aapimΛ sai ismaacΛdΛ vaavoitudai Diuusi nΛida agai Λgai ismaacΛdΛ maivaavoitudai Diuusi ismaacΛdΛ ΛrcΛΛga ivuaadami dai ismaacΛdΛ ΛrmaicΛΛga ivuaadami. Poduucai ΛpΛ gΛaagai mΛsΛΛgi baivuaadagi istumaasi tΛgitocagi gΛnaaduñi. 3 MaitamΛsmaata aapimΛ tΛsai asta Diuusi tΛtΛaafñicarudΛ nΛida ragai ismaacΛdΛ ΛrcΛΛga ivuaadami dai ismaacΛdΛ ΛrmaicΛΛga ivuaadami. Vaamioma cΛΛga istutuidi aatΛmΛ isnΛidagi gΛaaduñi vaavoitudadami saagida ismaacΛdΛ ΛrcΛΛga ivuaadami dai ismaacΛdΛ ΛrmaicΛΛga ivuaadami tami oidigi daama. 4 SiΛΛscadΛ gΛncocoda aapimΛ, ¿tuimΛsi ajioopaiña aapimΛ sai baigΛnduiñdana dudunucami ismaacΛdΛ maitΛrvaavoitudadami? 5 Gomaasi

gia gΛnaagidi aanΛ masai siaa ΛΛrana. SiaadΛrΛ maioīdacana Λmaadutai aapimΛ gΛnsaagida ismaacΛdΛ istutiadagi isbaigΛnvuiīdiadagi ñiooqui aapimΛ vaavoitudadami gΛnsaagida. ⁶ Λmo vaavoitudadami maitΛagai isvan cΛsagi gΛaduñi dudunucami vuidΛrΛ ismaacΛdΛ maitΛrvaavoitudadami.

⁷ SΛlicΛdΛ Λrvaavoi sai isgΛncocoda aapimΛ poduucai aliΛ soimaasi ivueeyi aapimΛ. Baiyoma maitΛagai mΛsvui ñioocadagi sioorΛ gΛncocoda Λliadagi. Dai baiyoma maitΛagai mΛsvui ñioocadagi sioorΛ gΛnΛsiadagi. ⁸ DΛmos aapimΛ maicΛga ivueeyi dai Λsidiña asta gΛnaaduñi vaavoitudadami.

⁹⁻¹⁰ ¿MaitamΛs maata aapimΛ sai ismaacΛdΛ Λrsoimaasi ivuaadami maiīmia agai siaaco gataanΛi Diuusi? MaitavΛr gΛndadagitoda mΛsgΛnvupuiirumadadagi. SΛlicΛdΛ Λrvaavoi isagai ismaacΛdΛ googosi gΛnducami, dai ismaacΛdΛ siaa duutudai Λmomoono ismaacΛdΛ ivueeyi oodami dai diuusi aagai dai cΛcΛli ismaacΛdΛ maiaaban voopoi ooqui baiyoma cΛcΛli Λgi aipacoga gΛnvuudana, dai ismaacΛdΛ Λsivoga, dai ismaacΛdΛ coimudadΛ tuutuiga, dai ismaacΛdΛ navacoitΛraga, dai ismaacΛdΛ oojoidi isñiooquiadagi aa oodami, maitatΛaanΛda agai mΛΛ tΛvaagiΛrΛ Diuusi ΛΛmadu. ¹¹ Poduucai oidacatadai ΛΛmadutai aapimΛ dΛmos sivi Diuusi casi gΛnoigΛli gΛnsoimaascamiga dai casi Λcovai gΛnvuvaitu dai Diuusi cΛgacΛrΛ gΛnΛidi ducami istomali Λmo imidagai maisoimaasi iduūimudai aapimΛ Suusi Cristo cΛgacΛrΛ gΛnvuvaitu dai Diuusi IbΛadΛ gΛnΛΛmadu daja cascΛdΛ.

12 Λμο oodami pocaiti: “Oodami istutuidi isivuaadagi vΛΛsiaΛcatai istumaasi ipΛlidi”. Damos aanΛ pocaiti: sai maisiu vΛΛsi istumaasi ivueeyi oodami arsoiñi. Dai maitΛagai isivuaadagi tomali Λmo istumaasi soimaascami tomasi iduñia Δlidi. 13 Aliasi arvaavoi istumaasi aagai oodami: “Cuaadagai arugidagai vΛΛtarΛ dai gavoocarΛ vaacai cascΔΔ vooca oodami”. Damos Diuusi ugituda agai vΛΛsi gomaasi. Damos tuucuga oodami maisiu isgaΛma voo-poda tomasmaascΔΔ, baiyoma tuucuga oodami vai poduucai ivuaadana Diuusi aa duiñdagadΛ dai Diuusi nuucada oodami tuucugadΛ. 14 Poduucai isduucai Diuusi duaacali gartΛaanΛdamiga Suusi Cristo poduucai garduduaacalda agai aatΛmΛ ΛpΛ gΛguvucadagacΔΔ.

15 ¿MaitamΛsmaataΛ aapimΛ sai ismaacΔΔ vaavoitudai Suusi Cristo arΛpan ducami agai daidΛ araduñΔ? AatΛmΛ arSuusi Cristo aaduñΔ cascΔΔ maitΛagai tΛsvΛpΛnagΔdagi ooqui taatacaligami. 16 ¿MaitamΛsmaataΛ aapimΛ sai siΛscadΛ Λmo cΛli vΛΛnagi Λmo ooqui tatacaligami vΛgoocatai ΔtΛmo oodamicana? Pocaiti Diuusi ñiooquidarΛ: “VΛgoocatai arΛmo oodamicana agai”. 17 Damos siΛscadΛ Λmo oodami vaavoitudagi Suusi Cristo agai Λmo tagitoidagai viaacana Suusi Cristo Λmadu.

18 AapimΛ gΛagai isgajiaadarΛ vipiaadagi vΛΛsi goomaasi. Diuusi idui oodami sai siaa duutudaiña agai dai maisiu isivuaadana mosΛcaasi istumaasi ipΛliadagi. Mui naana maasi soimaascami ivueeyi oodami damos agai ismaacΔΔ googosi

ganducami agai soimaasi ivueeyi gatuucuga vui. ¹⁹ ¿Maitamas tagito aapimΛ sai Diuusi ootoi galbadaga sai ganΛΛmadu daacana? Poduucai aapimΛ camaiΛΛgi gantΛaanΛi. ²⁰ Diuusi alia cΛaga idui aapimΛ ganvΛΛtarΛ ootosacai gamara Suusi Cristo masai aapimΛ cΛagacΛrΛ vuvacΛna. CascadΛ aliΛsi glaagai issiaa duutuada aapimΛ Diuusi siΛΛsi gantuucugacadΛ Λcaasi ganibadagacadΛ Diuusi tΛaanΛi gantuucuga dai ganibadaga cascadΛ.

7

¹ Sivi gia ganaa noragidamu aana istumaasi giñtacacai aapimΛ giñoojidacai. CΛagaduava ismaiooñtagi cΛcΛli. ² Damos alia muidu ismacadΛ googosi ganducami cascadΛ aliΛsi glaagi iscΛcΛli viaacagi ganooñiga dai ooqui viaacagi gancuucuna dai poduucai maisoimaasi ivuaadagi googosi ganduucamicatai. ³ ΛcΛli glaagai isΛma voopodagi gaooñiga siuu duucu ΛooñigadΛ ipΛiadagi dai ooqui glaagai isΛma voopodagi gcΛcΛna siuu duucu ΛcunadΛ ipΛiadagi. ⁴ SiΛΛscadΛ cunatagi Λmo ooqui camaiΛΛgi tΛaanΛi gatuucuga ΛcΛli agai dai tΛaanΛi. Dai siΛΛscadΛ ooñtagi Λmo cΛli camiΛΛgi tΛaanΛi gatuucuga ΔpΛ Λooqui agai dai tΛaanΛi. ⁵ CascadΛ maitaagai ischo gantΛΛadagi aipacoga. SiΛgis gia gnaagida agai dai maiΛmapai voopodagi χiΛΛqui tasai gamamadada Δliditai. Dai vΛΛscarΛ gooquiΛrΛ glaagai isΛmapai voopodagi agai vai ΔDiaavora maisoimaasi iduiñtuldagi Λooqui Λmai cΛli ΛΛmadu tomali ΛcΛli Λmai ooqui ΛΛmadu.

6 AanΛ maitΛntΛaanΛi mΛsooñtagi mΛsmαιοñtagi ΛΛpΛ baiyoma istutuidi aapimΛ isiduñiagi istumaasi ipΛliadagi. 7 AanΛ Λagi ipΛlidi isvΛΛscatai maiooñtagi giñΛpan duucai, dΛmos ΛΛmoco istutuidi isivuaadagi Λmo istumaasi dai aa Λma maasi. Diuusi maacai guvucadagai cascΛΔ.

8 IsmaacΛΔΛ maiquiaa ooñiga dai ismaacΛΔΛ maiquiaa cuucuna dai vipiuudu cΛΛgaicamudai isΛΛgi viiyagi Λgai giñΛpan duucai. 9 DΛmos is-maitistutiada Λgai isΛΛgi oidacagi vai ooñtana. Vaamioma ΛrcΛΛgai isooñiacagi dai maisoimaa taatamadagi Λma vooopoda Λliditai ooqui.

10 DΛmos ismaacΛΔΛ caoñigai dai ismaacΛΔΛ cacuucuna aanΛ gΛntΛaanΛi sai ooqui maidadagitoiña gΛncuucuna. Idi ñiooqui aagaiña gΛrtΛaanΛdamiga Suusi Cristo ΛpΛ. 11 DΛmos isΛmo ooqui dagituagi gΛcuna Λgai maitΛaagai iscunatagi Λpamu baiyoma gΛaagai isbaiduñia Λgai ñiooqui gΛcuna ΛΛmadu. Poduucai ΛpΛ ΛcΛli maitΛaagai isdagituagi gΛooñiga.

12 Dai Λma maasi aagida iñΛlidi aanΛ ismaacΛΔΛ ooñiga maivaavoitudadami ΛΛmadu dai ismaacΛΔΛ cuucuna maivaavoitudadami ΛΛmadu. Oidaga Λmo ñiooqui ismaacΛΔΛ maiagaiña gΛrtΛaanΛdamiga Suusi Cristo dΛmos aanΛ gia gΛnaagidamu sivi. IsΛmaadutai ooñigadΛ maitΛrvaavoitudadamicagi dai vΛΛscΛrΛ ΛΛmadu oidaca Λliadagi gΛcuna, cunadΛ maitΛaagai isdagituagi saibai poduucai vaavoitudana ooñigadΛ. 13 Dai isΛmaadutai cunadΛ maitΛrvaavoitudadamicagi dai vΛΛscΛrΛ ΛΛmadu oidaca Λliadagi gΛooñiga, ooñigadΛ maitΛaagai isdagituagi sabai poduucai vaavoitudana cunada.

14 Acaali ismaacada maitarvaavoitudadamicagi Diuusi calgacala naidi agai vanaacai agai amo ooqui vaavoitudadami daida looqui ismaacada maitarvaavoitudadamicagi Diuusi calgacala naidi agai vanaacai agai amo cali vaavoitudadami. Dai ismaitarpođucaicamudai maamarada arapan ducamicamudai maamarada agai ismaacada maivaavoitudai, damos Diuusi calgacala naidi maamarada ara. 15 Damos isacali maivaavoitudadamicagi dagitua aliadagi gaoñiga vai dagitona daida looqui camaiviaa isamadu oidacagi dai islooqui maivaavoitudadamicagi dagitua aliadagi gcuna vai dagitona daida acunada camaiviaa isamadu oidacagi. Diuusi acovai garvuvaitu tasi calgacala oidacana dai maitarcocodaina. 16 Dai vascala maimaata amo cali sia amo ooqui iscalgacala vusaidagi gaduñi sia ismailgacala vusaidagi ara quiaa amadu oidacatai agai.

17 Dai gaagai masbaiganaliadagi gaicada ismaacada Diuusi ipalidi isivuaada aapima. Dai aliasi arcanga ismaidagituagi ganaa duiñdaga ismaacada viaacatadai aidasi Diuusi acovai vusaitu sai vaavoitudana. Gomaasi agai istumaasi taana ai ana vasi vaavoitudadami aipaco oidacami. 18 IsDiuusi acovai vuusaidagi amaadutai ismaacada iquitaquicagi tuucugada isducatai gamviidacatadai ajudidiu agai gaagai ismoduucai viiyagi dai isDiuusi acovai vuusaidagi amaadutai ismaacada maiquitaquicagi tuucugada agai mitaagai isiquitagi. 19 Tomasmaasi oodami isiquitaguicagi tuucugada ischo ara mosgaagai isivuaadagi

istumaasi Diuusi ipalidi. ²⁰ Aliasi arcanga isvasi oodami maidagituagi gnaa duiñdaga ismaacada viaacata dai aidasi Diuusi covai vuusaitu sai vaavoitudana. ²¹ Ismaadutai arpioñicatada dai aidasi Diuusi covai vusaitu maitaagai isvuama aliada gai. Damos isviaacagi gai isducatai vuusiagi dai camaitarpioñicagi gaaagai isvuusiagi. ²² Pipioñi ismaacada Diuusi covai vuvaitu sai vaavoitudadana gaaagai istatagitodagi israaduñda Cristo dai gai ismaacada maitargapipioñiga ismaacada Diuusi covai vuvaitu sai vaavoitudana gaaagai istatagitodagi isarpioñigada Suusi Cristo. ²³ Diuusi alia canga idui aapima ganvatar ootosacai gamara dai sivi gaaagai masangiadagi Diuusi maisiu oodami. ²⁴ Poduucai tudo giñaduñi tomali maadutai maitaagai isdagituagi gnaa duiñdaga ismaacada viaacata dai aidasi Diuusi covai ganvuvaitu sai vaavoitudana, Diuusi ganlamadu daja cascada.

²⁵ Dai sivi maquimu aana ñiooqui ismaacada maitarooñiacami dai ismaacada maitarcuucunacami. Suusi Cristo maipoduu aagai damos aana angnaagida ñagai. Diuusi cagacara giññidi daida giñvaavoitudai cascada aapima gaaagai isgiñvaavoitudagi ara cascada gnaagidamu aana istumaasi tatagitoi aana. ²⁶ Otoma aliasi soimaasi taatamituldi agai adudunucami vasi vaavoitudadami cascada polidi aana sai ismaacada maitarooñiacami dai ismaacada maitarcuucunacami gaaagai isapiaduu viiyagi. ²⁷ Vascara ismaacada caoñiga maitaagai isdadagitodagi ganoñiga dai

ismaac^{ad} maiquiaa ooñiga mait^aagai isooñtagi.
 28 Damos is^{am}o c^{al}li ooñtagi maisoimaasi ivueeyi
 dai is^{am}o ooqui cunatagi maisoimaasi ivueeyi.
 Damos sior^a gav^{an}acami vaamioma soimaasi
 taata agai dai aan^a ip^{al}lidi isotolioma soimaasi
 taata agai aapim^a.

29-31 Giñaaduñi aan^a g^{na}agidi sai chi^{al}qui ta-
 sai vi^{al}ga m^{as}icamaioidacamu tami oidi daama
 casc^{ad} g^aagai t^{as}vaamioma ivuaadagi Diuusi
 aa duiñdad^a si^{al}ma maasi sivi quiaa istutuidi-
 tai. Sior^a ooñiacagi, dai sior^a soig^{an}liadagi,
 dai sior^a baig^{an}liadagi, dai sior^a viaacagi
 tumiñsi dai tomasior^a ismaac^{ad} tami oidigi
 daama oidaga g^aagai isvaamioma ivuaadagi Di-
 uusi aa duiñdad^a si^{al}ma maasi. Idi oidigi caugitimi
 casc^{ad}.

32 Aan^a ip^{al}lidi isaapim^a maivuam ^{an}liadagi
 tomali ^{am}o istumaasic^{ad}. ^{Am}o c^{al}li
 maioñiacami vaamioma t^{at}agitoi Diuusi aa
 duiñdad^a daid^a ivuaada ^{al}lidiña istumaasi Diuusi
 ip^{al}lidi. 33 Damos si^{al}scad^a caoñta ^{ag}ai vaamioma
 t^{at}agitoiña ^{ag}ai istumaasi g^aagai quiiy^{ar},
 daid^a ivuaada ^{al}lidiña istumaasi ip^{al}lidi ooñigad^a.

34 Poduucai ^{ar} ^{am}o ooqui maicunacami
 vaamioma t^{at}agitoi Diuusi aa duiñdad^a daid^a
 ivuaada ^{al}lidiña istumaasi Diuusi ip^{al}lidi vai
 poduucai vaamioma c^{al}ga ivuaadagi istumaasi
 Diuusi ip^{al}lidi si^{al}si tuucugad^a ^{ac}asi ib^{ad}.
 Damos si^{al}scad^a cacunata ^{ag}ai vaamioma
 t^{at}agitoiña istumaasi g^aagai quiiy^{ar} daid^a
 ivuaada ^{al}lidiña istumaasi ip^{al}lidi cunad^a.

35 Aan^a g^{na}agidi gomaasi g^{an}soiña iñ^{al}lidityai
 maisiu g^{an}daida iñ^{al}lidityai mui naana maasi, v^{ar}ai

poduucai cΛΛgacATΛ oidaca daidΛ ivuaada Diuusi aa duiñdadΛ oigΛdaitai Diuusi.

³⁶ DΛmos isΛmaadutai poΛliadagi iscaooquimuimi maradΛ dai poΛliadagi issiooma arcΛΛgai iscunata Λgai, dai isΛooqui poΛliada ΛΛpΛ vai cunatana gomaasi maitΛrsoimaascami.

³⁷ DΛmos isΛmai sΛΛlicadΛ poΛliadagi ismaitΛagagai iscunatagi maradΛ dai ismaitipu istuusi cunata Λgai, oogadΛ viaa sΛΛlicami isiduñia istumaasi ipΛliadagi, Λgai cΛΛga ivueeyi. ³⁸ DΛmos sioorΛ dagituagi gΛmara sai cunatana cΛΛga ivueeyi dai sioorΛ maidagituagi gΛmara sai cunatana vaamioma cΛΛga ivueeyi.

³⁹ Λmo ooqui cunacami viaa isΛΛmadu oidacagi gΛcuna asta siΛΛscadΛ muu Λgai. DΛmos siΛΛscadΛ muquiagi cunadΛ Λooqui viaa sΛΛlicami iscunatagi Λpamu sioorΛ ΛΛmadu ipΛliadagi, dΛmos arvaavoitudamicagi Λgai. ⁴⁰ DΛmos Λooqui vaamioma baigΛΛliadan tada ismaicunata Λpamu. Gomaasi Λgai istumaasi tΛtΛgitoi aanΛ. Dai Diuusi IbΛadΛ giñΛma daja aanΛ ΛΛpΛ dai gomaasi ismaacΛdΛ aagai aanΛ poΛlidi aanΛ isDiuusi IbΛadΛ giñagidi.

8

¹ AapimΛ giñtΛcacai isbai oidaga oigaragai iscuaadagi cuaadagi ismaacΛdΛ gΛdadasdi Λmomoono ismaacΛdΛ ivueeyi oodami ischo ΛΛpΛ. BaiyomavΛr maicuaada. VΛΛscatai aatΛmΛ maatΛ isDiuusi maigΛpiΛr gΛrvuupai iscuaada aatΛmΛ istumaasi gΛdadasdi Λmomoono. DΛmos sioorΛ pocaitiadagi sai vaamioma maatΛ siaa Λgai

gagarducada ganalidi. Damos siora oigadagi vlassi oodami agai poduucai vaamioma caga vaavoitudai Diuusi. ² Siora poliadagi iscamaata mui naana maasi agai maicaga mai isducatai gaaagaitadai ismamaatamudai agai. ³ Damos Diuusi cagacaga naidi siora oigadai Diuusi. Agai armaamarada cascada.

⁴ Amomoono ismaacada ivueeyi oodami dai diuusi aagai maitardidiuusi mosaliamadugava Diuusi. ⁵ Oodami polidi ismuidu didiuusi tavaagiaga dai oidi daama, agai vataraga gia oidaga mui didiuusi. ⁶ Damos caga maata aatama sai mosaliamaduga Diuusi, garooga. Agai idui vlassiacatai. Aatama oidaga dai siaa duutuda ragai Diuusi daida ivuaadaragai aa duiñdada. Dai aliamaduga gartaaanadamiga agai arSuusi Cristo, dai agai idui vlassiacatai. Dai agai garmaa ibadagai utudui.

⁷ Gomaasi maisiu vlassi oodami maata. Lamadutai ismaacada llaquioma siaa duutudaina amoono quiaa vaavoitudai sai cuaadagai cuaadagai ismaacada gadadasdi amoono sai agai siaa duutudai amoono cascada polidi agai sai maitarcagai iscuaadagi. ⁸ Vaavoava siDiuusi maivaamioma cagacaga garnaidi tomali maivaamioma cagacaga oidacana aatama cuaadagai cuaadagai. ⁹ Vascaga avarmaicuaada cuaadagai ismaacada gadadasdi amoono ismaacada ivueeyi oodami dai diuusi aagai. Iscuaada aapima acuaadagai aida gia agai ismaacada maicaga maata caga isducatai ipalidi Diuusi isoidacana ugian tada lapa dai gomaasi arsoimaascami agai vataraga.

10 Damos ismaadutai aapima ismaacada clla maata vllasi gomaasi vllascara imiagi amoono quiuupaigadamu dai gacuaadagi cuaadagai ismaacada gadadasdi amoono vai gantagiagi amai ismaacada maicllaga maata ca isducatai ipalidi Diuusi isoidacana, agai ugian tada llp. 11 Dai poduucai agaicada ismaacada iduñia aapima agai soimaasi iduñian tada, dai Suusi Cristo muu agai vllatar llp. 12 Poduucai isaapima soimaasi iduiñtuldagi gnaduñi ismaacada maicllaga maata ca isducatai ipalidi Diuusi isoidacana, aapima soimaasi ivueeyi Suusi Cristo vui. 13 Poduucai iñsaanl cuaadagi cuaadagai ismaacada dadasdi amoono dai poduucai soimaasi iduiñtuldagi giñaduñi vaavoitudadami baiyoma maicuaadan tada aanl cuaadagai ismaacada dadaasdi momoono tomali amo imidagai maisoimaasi iduiñtulda iñlilitai.

9

1-3 Sivi aagidamu aanl amo ñiooqui agai ismaacada maivaavoitudai iñsaanl arootosada Suusi Cristo. Sallicada arvaavoi iñsaanl arootosada Suusi Cristo. Aanl tll gartlaanadamiga Suusi Cristo. Dai aapima vaavoitudai Suusi Cristo, aanl ganaagidi isagai arcllagacara vuviadami cascada. Tomasi aa maivaavoitudai iñsaanl arSuusi Cristo ootosada, damos aapima gia glaagai isvaavoitudagi dai aapima arvaavoitudadami cascada gllamaata iñsaanl arSuusi Cristo ootosada.

4 AanΛ viaa sΛΛlicami isgamaitΛcΛdagi
 cuaadagai gaaagiditai Diuusi ñiooquidΛ. 5 Dai
 viaa aanΛ sΛΛlicami isooñtagi Λmo ooqui
 vaavoitudadami poduucai isduucai ivueeyi
 Λгаа Suusi Cristo ojootosadΛ, dai Suusi Cristo
 susuuculidΛ dai Piiduru. 6 ¿Povai mΛsiΛnΛlidi
 aapimΛ ismosΛca aanΛ dai Bernabé maviaa
 sΛΛlicami isdagituagi aa duiñdagai dai gaaagiadagi
 isSuusi Cristo arcΛΛgacΛrΛ vuviadami? 7 Sandaaru
 maiΛgi gaaa namΛquidi istumaasi siaa vueeyi.
 Dai siorΛ Λsadagi uuvasi viaa sΛΛlicami
 iscuaadagi iibiadΛ. Dai siorΛ nuucadacagi
 sisivatu viaa sΛΛlicami isyΛΛdagi viibadΛ. 8 AanΛ
 maitnaagidi istumaasi aagai oodami aanΛ
 gΛnaagidi istumaasi aagai Diuusi ñiooquidΛrΛ.
 9-11 AatΛmΛ gΛnaagidi Diuusi ñiooquidΛ dai
 poduucai gΛnsoicΛi iscΛΛgacΛrΛ oidaca aapimΛ
 cascΛΔ viaa aatΛmΛ sΛΛlicami isgΛntaanΛdagi
 cuaadagai aapimΛ poduucai soicΛi aa oodami
 cascΛΔ gΛaagai isvaamioma garsoicΛda aapimΛ
 aatΛmΛ. Poduucai ooja Moseesacaru: “MaitavΛr
 dacamidacartudada Λtuturu mΛsiΛΛscadΛ
 cΛlivadagi tΛligi ΛgaicΛdΛ vai poduucai cuaajida
 Λgai tΛligi”, asduu ooja. Poduucai gΛmaata
 isaata vuaadami viaa sΛΛlicami isgamaitΛcΛdagi
 cuaadagai. Λgai ismaacΛdΛ gasicuaanai dai
 ismaacΛdΛ gayoovai Λgai gΛaagai istΛgitocagi
 isajiagi aa yoovi. 12 Isaa viaacagi sΛΛlicami
 iscuaadagi gΛncuaadagaiga sioma cΛΛga aatΛmΛ.

VΛΛscΛrΛ maiuu aatΛmΛ tomasi viaacatadai
 sΛΛlicami. Baiyoma Λgi gaaata namΛquidiña
 aatΛmΛ vΛΛsi tΛstumaasi siaa vuaadana. AanΛ
 ipΛlidadai iscΛΛga gΛntΛgito caΛca aapimΛ

istumaasi gΛnaagidi aanΛ dai maisiu tΛtΛgitodagi iñsaanΛ gamaitΛCΛi gΛnaagiditai Diuusi ñiooquidΛ. ¹³ CΛΛ maatΛ aapimΛ sai ismaacΛdΛ gaaata vueeyi ΛgΛΛ quiuupaigadΛrΛ Λjudidíu siaaco gΛcoodai vustaqui poduucai isduucai gatajajai Diuusi Λgai istutuidi isaa cuaadagi Λbaabaidi. ¹⁴ Dai poduucai Diuusi aagai sai sioorΛ gaaagiadagi isSuusi Cristo ΛrcΛΛgacΛrΛ vuviadami sai ismaacΛdΛ vaavoitudadagi gΛaagai ismaacadagi vΛasi istumaasi tΛgito. ¹⁵ DΛmos aanΛ tomali Λmo imidagai maitataanΛi tomali Λmo istumaasi tomasi viaa aanΛ sΛlicami isgataanΛdagi. AanΛ gΛnoojidi maisiu gΛntaanΛdami iñΛlidaditai istumaasi. ΛpΛga muquian tada aanΛ biuugimucai isgΛntaanΛdagi Λmo istumaasi.

¹⁶ AanΛ maitaaagai isgΛducΛdΛ giñΛliadagi gaaagiditai isSuusi Cristo ΛrcΛΛgacΛrΛ vuviadami, gomaasi viaa aanΛ isivuaadagi cascΛdΛ. SiΛΛ soimaa taatamu aanΛ ismaitaaagiadagi gomaasi. ¹⁷⁻¹⁸ IsmosΛcaasi baigiñΛliaracΛdΛ gΛnaagidamudai aanΛ isSuusi Cristo ΛrcΛΛgacΛrΛ vuviadami aidΛ gia baigiñΛlidi viiagi aanΛ ducami isaa namΛquidamudai aapimΛ tumiñsicΛdΛ tomasi matiñmaa tomali Λmo sintavo. DΛmos maisiu mosΛcaasi baigiñΛliaracΛdΛ gΛnaagidi aanΛ isSuusi Cristo ΛrcΛΛgacΛrΛ vuviadami baiyoma aliΛsi viaa aanΛ isgaaagidagi gomaasi. Diuusi giñtΛjai ansaidΛ iduuna cascΛdΛ.

¹⁹ AanΛ maitΛrpiooñigadΛ tomali Λmaadutai dai vΛascΛrΛ vΛascatai piooñigadΛ duucai oidaga aanΛ vai poduucai vaamioma muidutai vaavoitudana isSuusi Cristo ΛrcΛΛgacΛrΛ vuviadami. ²⁰ SiΛΛscadΛ giñaaduni judidíu

saagida daaca aanΛ ismaacΛΔΛ ivueeyi vΛΛsi istumaasi ooja Moseesacaru aanΛ ΔpΛ Δpan duuca i vuaadana vai poduucai vaamioma muidutai vaavoitudana isSuusi Cristo ΔrcΔΔgacΔrΔ vuviadami tomasi maiviaa aanΛ isivuaadagi vΛΛsi istumaasi ooja Moseesacaru. ²¹ Dai siΔΔscadΔ saagida daaca aanΛ Δgai ismaacΛΔΛ maiΔΔgidi istumaasi ooja Moseesacaru aanΛ Δpan duuca i vuaadana Δgai mosΔcaasi istumaasi gΔrdaidi Diuusi gomaasi maitivuaadana aanΛ. AanΛ viaa isivuuadagi istumaasi aagai Diuusi dai istumaasi aagai Suusi Cristo cascΔΔΛ, vai poduucai vaavoitudana Δgai isSuusi Cristo ΔrcΔΔgacΔrΔ vuviadami. ²² Dai siΔΔscadΔ saagida daaca aanΛ ismaacΛΔΛ maicΔΔga maata caΛ istumaasi Diuusi ipΔlidi isivuaadagi aidΔ gia ivueeyi aanΛ istumaasi ivueeyi Δgai vai poduucai istutuidi aanΛ issoiñagi Δgai isvaamioma cΔΔga maata istumaasi Diuusi ipΔlidi isivuaadagi. Tomasiaacoga daaca aanΛ Δpan duuca i vuaadana aanΛ Δoodami vai poduucai ΔΔmadutai vaavoitudana. ²³ Poduucai i vuaadana aanΛ sai cΔΔga gΔntΔgito caΔcana Δgai isSuusi Cristo ΔrcΔΔgacΔrΔ vuviadami dai poduucai aliΔ baigiñΔlidiña aanΛ siΔΔscadΔ vaavoitudagi ΔΔmadutai.

²⁴⁻²⁷ SioorΔ vopooyi aliasi gΔnaajagΔi gamaitΔΔ Δlidityai. Istumaasi gamaitΔcΔi Δgai vΛΛsi uugiatai. DΔmos aapimΔ gΔaagai iscΔΔgacΔrΔ oidacagi vaavoitudaitai dai ΔΔgiditai Diuusi dai Diuusi gΔnmaaquimu Δmo istumaasi tΔvaagiΔrΔ ismaacΛΔΛ tomali Δmo imidagai maiuugiatai. Utuisdami ΔΔquiasdΔrΔ vopooyiña vaidai aajai utuiñaragai dai gajiaadΔrΔ vipieeyi Δgai vΛΛsi

istumaasi galvueeyi tuucugadΛ. Poduucai aanΛ ΛpΛ cΛΛgacΛrΛ oidaga vaavoitudaitai Suusi Cristo cΛΛ maataΛ aanΛ iñsiimia iñagai tΛvaagiamu. AanΛ aliΛsi ipΛlidi iscΛΛgacΛrΛ oidacagi poduucai isduucai aagaiña aanΛ Λoodami tomasi poduucai oidacatai vΛΛscΛrΛ soimaa taatamai aanΛ. MaitipΛlidi aanΛ isDiuusi giñaagidagi sai maicΛΛgadu idui aanΛ cascΛdΛ.

10

¹ Giñaaduñi aanΛ ipΛlidi isaapimΛ tΛtΛgitodagi siΛdui ΛΛqui gΛrΛΛqui aaduñicarucΛdΛ oidigana. Diuusi ootosi Λmo icomai sai baitΛqui imΛiña sai poduucai maatacana Λgai siaa sΛΛli iimΛdagi. Diuusi soi tai cΛΛga dΛgavusai Λgai ΛgΛΛ suudagi siaaco GΛΛ Suudagi VΛΛgicΛrΛ tΛΛgidu. ² Dai poduucai casi ipΛli Λgai isoidagi Moseesacaru. ³⁻⁴ Cristo maacaiña cuaadagai dai suudagi mΛΛ oidigana. Λoodami yΛΛdana suudagi ismaacΛdΛ vuusanΛiña Λmo odiaiñdΛrΛ. Dai Cristo ΛΛmadu daacana dai nuucadacana. ⁵ Dai baitoma vΛΛscatai soimaasi ivueeyi oidigana cascΛdΛ Diuusi maibaigΛΛlidi ΛgaicΛdΛ dai coi Λgai oidigana.

⁶ CascΛdΛ maataΛ aatΛmΛ ismaitΛagagai issoimaasi ivuaadagi Λpan duucai Λgai. ⁷ CascΛdΛ maitΛagagai isaa duutuadagi Λmoonu poduucai isduucai idui ΛΛmadutai Λgai. Pocaiti Diuusi ñiioquidΛrΛ ispovuaadana Λgai oidigana dai pocaiti: “Λoodami dadaarΛi dai gacueeyi dai gayΛΛyi dai gooquirΛ gatuutudacΛi”, siaa duutudaitai Λmo moonu gΛndiuusiga duucai. ⁸ MaitΛagagai tΛsgoogosi gΛrducamicagi poduucai isduucai idui ΛΛmadutai

Agai dai coi amo coobai dan vaica miil amo tasara. ⁹ Dai aatama maitaagai isoojutuldiadagi Diuusi poduucai isduucai idui amadutai agai tai calquiacarai coocoyi dai coi. ¹⁰ Dai maitavar vui ñioocada Diuusi apañ duucai amadutai agai vui ñioocai Diuusi tai Diuusi ootoi gataañicaru sai coodana.

¹¹ Vasi gomaasi apadi garaaduñicarucada tasai poduucai maana aatama sai maitaragaagai ispoduucai ivuaadagi. Dai cascada vasi gomaasi gaoja Diuusi ñiooquidara tasai aatama maana sivi cayoga ugitacai oidigi. ¹² Sioga poliadagi iscaga vaavoitudai agai gaagai isganuucadacagi dai maisoimaasi ivuaadai. ¹³ Siascada amaadutai soimaasi iduñia aliadagi gaagai istagitodagi isvascatai poduucai tagitoña. Diuusi apiangansoicadamu iscaga ivuaada aapima dai maitandadagitodamu istagitoda istumaasi maitistutuidi aapima isgajiaadara vipiadagi baiyoma gansoñamu mai gajiaadara vipiada aapima istumaasi soimaascami istumaasi iduñia aliadagi.

¹⁴ Cascada giñaaduñi casiavar maisiaa duutuada aapima momoono. ¹⁵ Aapima caga maana ca istumaasi. Dai calgavar tagitoca istumaasi ganaagidi aana sabaiga aramo istumaasi calgaducami ischo ara. ¹⁶⁻¹⁷ Siascada garampaidiada aatama dai gacuaadagi paana dai gayadagi uvasi varagada dai poduucai tagitoña aatama isducatai muu Suusi Cristo aatama garvatarai dai poduucai Diuusi baigariatudai. Dai poduucai gatagidoña aatama tsvascatai argaadunumu

vaavoitudadami.

¹⁸ Gantagitovar naida isducatai ivueeyi ajudidíu siascada cuaada agai baabiada cañiru ismaacada coodai agai dai dadasdi Diuusi. Poduucai gamaata isvascatai agai argaadunumu siaa duutuadami Diuusi. ¹⁹ Aan maitiplidi isaapima poliadagi ismoonoo ismaacada ivueeyi oodami viaa guvucadagai tomali ispoliadagi aapima isbaabaidi ismaacada gadadasdi amoono maitarapan ducami tomastuma baabaidi. ²⁰ Poduucai agai ismaacada maivaavoitudai Diuusi dadasdi cuaadagai Diaavora tataañicaruda maisiu Diuusi. Aan maitiplidi ispoduucai ivuaada aapima dai maitiplidi aan larra isgacuaada aapima agaa lamadu siascada gavaagimatada agai dai poduucai raaduñdaci oodami ismaacada vaavoitudai Diaavora tataañicaruda. ²¹ Aapima maitistutuidi israaduñdaci Suusi Cristo daida raaduñdaci Diaavora tataañicaruda larra. ²² Mitaagai tasbaamutudagi Diuusi ganvui daraacatai agai lamadu siu duucu siaa duutuadagi Diaavora tataañicaruda. Caa maata aatama isDiuusi vaamioma guvuca isaatama.

²³ Mui naana maasi istutuidi aatama isivuaadagi damos maisiu vasi istumaasi garsoicai iscagacara oidaca aatama Diuusi vuitapi. ²⁴ Isamadutai iduñia aliadagi amo istumaasi gaagai isapaga tagitodagi sabaiga aristumaasi soimaascami aduñda vatarra.

²⁵ Sapadavurai tomastuma baabaidi ismaacada oidacagi dai maitavar gatacacada

mΛsbai daasi Λmo moono ischo ΛpΛ. Baiyoma maimaatΛca aapimΛ dai maipoΛliadagi mΛssoimaasi ivueeyi cuaadatai. ²⁶ VΛasi oidigi dai vΛasi istumaasi oidaga ΛrDiuusi tuidadΛ cascΛdΛ gΛaagai mΛscuaadagi vΛasi istumaasi oidacagi.

²⁷ IsΛmaadutai ismaacΛdΛ maitΛrvaaivoitudadamicagi gΛnvaidagi mΛsai quidiΛrΛ gauugana dai mΛsiimia Λliadagi, iimivurai dai ugavurai mΛstumaasi gΛnbiidagi dai maitΛcacada isbai daasi Λmo moono ischo ΛpΛ. Baiyoma maimaatΛca aapimΛ dai maipovΛnΛliadagi mΛssoimaasi ivueeyi cuaadatai. ²⁸ DΛmos isΛmaadutai povΛntΛadagi mΛsai gocuaadagai ismaacΛdΛ modaja daasi Λmo moono ismaacΛdΛ siaa duutudai oodami, vΛrai maiuga vai Λgai maipoΛldagi mΛsaapimΛ vaavoitudai ΛpΛ Λmoonoo, ²⁹ tomamΛs aapimΛ maata mΛsmaivaavoitudai.

DΛmos aanΛ ipΛlidi sai Λmaadutai giñagidamu: “¿Istuisi maitistutuidi iscuaadagi cuaadagai ismaacΛdΛ dadasdi moonoo mospocaititai aa saidΛ ΛrΛmo istumaasi soimaascami, ³⁰ dai sai iscuaadagi baigΛlilitai Diuusi vui, tuisi potΛna Λmai issoimaasi ivueeyi?” ³¹ DΛmos aanΛ gΛnaagidamu sai mΛsiuu duucu cuaadagi tomastuma cuaadagai siΛpΛ tomastumaasi mΛstumaasi ivuaadagi gΛaagai mΛsivuaadagi siaa duutudaitai Diuusi. ³² MaitΛaagai isivuaadagi istumaasi sobicΛdagi oodami isΛagiada Suusi Cristo tomasi Λrjudidíu ismaitΛΛrjudidíu ΛpΛ dai ismaacΛdΛ vaavoitudai Suusi Cristo ΛpΛ. ³³ AanΛ vΛascΛrΛ giñajagΛi isivuaadagi istumaasi istucΛdΛ baigΛnΛliadagi aa. Dai aanΛ maitivueeyi

mosΛcaasi istumaasi ΛrcΛΛgai aanΛ giñvΛΛtarΛ baiyoma ivueeyi aanΛ istumaasi Λrsoiñi aa vΛΛtarΛ, vai poduucai cΛΛgacΛrΛ vuvaquia Λgai.

11

¹ GiñΛpan duucai vΛrivuaada aapimΛ poduucai isduucai Λpan duucai ivueeyi aanΛ Suusi Cristo.

² Giñaaduñi aliΛ cΛΛga ivueeyi aapimΛ tΛtΛgitoitai daidΛ ivuaadatai istumaasi gΛnmaatΛtuli aanΛ.

³ AanΛ ipΛlidi mΛsmaatΛcagi sai Cristo Λgai dai tΛaanΛi cacΛΛli, dai cacΛΛli tΛaanΛi gΛnooñiga, dai Diuusi tΛaanΛi Cristo. ⁴ Dai aapimΛ CoriintarΛ oidacami pocaiti sai isΛmo cΛΛli gΛcacΛsada gΛvanamu siuu duucu gamamadadagi siΛpΛ siuu duucu gaaagiadagi Diuusi ñiooquidΛ gomaasi Λrsiaa ΛrΛragai Λgai vΛΛtarΛ.

⁵ DΛmos isΛmo ooqui maivuracagi gΛmo siuu duucu gamamadadagi dai siuu duucu gaaagiadagi Diuusi ñiooquidΛ gomaasi Λrsiaa ΛrΛragai Λgai vΛΛtarΛ gomaasi ΛrΛpan ducami isivisumicamudai Λgai moodΛ.

⁶ IsΛmo ooqui maivuraca aliadagi gΛmo sioma ΛrcΛΛgai isbovasdΛrΛ ivisua Λgai gΛmo. DΛmos isgomaasi Λrsiaa ΛrΛragaicagi ooqui vΛΛtarΛ baiyoma gΛaagai isvuraca gΛmo. ⁷⁻⁹ Diuusi idui ΛcΛΛli sai Λpan tuigacana naana maasiarΛ. Dai cacΛΛli viaa sΛlicami isgatΛaanΛdagi oidigi daama poduucai isduucai Diuusi tΛaanΛi tΛvaagiarΛ, cascΛdΛ aapimΛ CoriintoarΛ oidacami pocaiti sai siuu duucu gamamadadagi dai siuu duucu gaaagiadagi Diuusi ñiooquidΛ cacΛΛli maitΛagai isgΛcacΛsada gΛvanamu dai poduucai cacΛΛli gatΛtΛagidi isΛgai vaamioma viaa guvucadagai

dai vaamioma taañai isooqui, cascada cacaali maitaagai istutusadagi ganvapanamu siuu duucu gamamadagi dai siuu duucu gaaagiadagi Diuusi ñiooquida. Damos Diuusi idui oooqui cacaaliñdara maisiu cacali oooquiñdara. Dai Diuusi idui oooqui dai soicaña cacali maisiu cacali sai soicaña oooqui. ¹⁰ Poduucai Diuusi gatagidi isvaamioma gataañai cacali siooqui cascada oooqui gaagai isvuracagi gamoo. Asta Diuusi tataañicaruda iñapai ganvupuivasa siuu duucu vuidara gugucadagi Diuusi. ¹¹ Vascara agai saagida ismaacada vaavoitadai Suusi Cristo aliñai tagito cali dai aliñai tagito oooqui vai gansoicadagi aipacoga ivuaadatai Diuusi aa duiñdada. ¹² Vaavoava sicacaliñdara aradi oooqui daida arvaavoi sicacali oooquiñdara vuvacai dai vasi gomaasi idui Diuusi.

¹³ Giñaagidavurai aapima sabaiga arcaga isamo oooqui gamamadadagi maitavuracatai amo pañitu. ¹⁴⁻¹⁵ Maitasi arvaavoi sai vascatai povanlidi sai oooqui gaagai isvuracagi gamoo dai oojoidi istatavducagi cuupada dai cacali vatar arsiaa araragai istatavducagi cuupada. ¹⁶ Ismaadutai giñvui ñiooqui aliada agaitai gomaasi, agai gaagai ismaatcagi tasai aatama tomali aa vaavoitadadami maiviaa amai viitularagai.

¹⁷ Sivi ganaagidamu aana ama maasi dai goocada maitistutuidi aana ispotiyagi ansai baigiñlidi. Siacada ganmpaidiada aapima dai cuaada cuaadagai ismaacada cueeyi aapima tatagitoitai isducatai muu Suusi Cristo curusiaba

vaamioma soimaasi ivueeyi aapimΛ isbai cΛΛga ivuaadagi. ¹⁸ Cajioma aanΛ masai aapimΛ gΛnvupui ñioocaiña dai baitoma vaavoitudai aanΛ. ¹⁹ Aliasì gΛaagai isvΛascatai aagadagi isducatai vaavoitudai poduucai gΛmaatΛmu ismaacΛΔΛ Λgai dai sΛlicΛΔΛ vaavoitudai Suusi Cristo. ²⁰⁻²¹ MΛsìΛascadΛ gΛΛmpadiada aapimΛ dai cuaadagi cuaadagai ismaacΛΔΛ cueeyi aapimΛ tΛtΛgitoitai isducatai muu Suusi Cristo curusiaba ΛΛmoco ΛpΛga cuaadana cuaadagai ismaacΛΔΛ vuaa dai asta navacoraiña gayΛdatai vai aa maitatasconΛrΛiña, dai chichiΛΛqui aipaco dadaraiña poduucai sΛlicΛΔΛ soimaasi ivueeyi aapimΛ maisiaa duutudai aapimΛ Suusi Cristo. ²² MaitamΛsviaa aapimΛ gΛnquiiqui mΛsiaaco gacuaadagi dai maigΛpi gacuaadagi mΛsiaaco gΛΛmpaidiada. AapimΛ soiduucai nΛidi ismaacΛΔΛ Diuusi Λco vuvaitu dai siaa ΛΛratudai aapimΛ Λgai ismaacΛΔΛ maiviaa cuaadagai. ¿Povai mΛsìΛnΛlidi aapimΛ iñsaana baigiñΛlda iñgai? SiaadΛrΛ baigiñΛldana aanΛ.

²³ Suusi Cristo ΛΛgi giñmaatΛtuli istumaasi gΛnaagidi aanΛ. AidΛ ΛcΛrΛ tucarΛ masìgatΛΛgida agaitadai Suusi Cristo Λgai bΛi Λmo paana ²⁴ dai gamamagi dai gooquiΛrΛ saasarai daidΛ itΛi: “Ugavurai, idi ΛrΛpan ducami giñtuucuga iñsmaacΛΔΛ tΛΛgida agai aanΛ masai aapimΛ cΛΛgacΛrΛ vuvacana. MΛsìΛascadΛ poduucai ivuaadagi varai giñtΛtΛgitoda”, astΛi ΛSuusi Cristo. ²⁵ Poduucai ΛpΛ caugitocai bΛi Λgai Λmo tucayu uuvasi varagadΛ daidΛ itΛtΛdai gΛojootosa: “Idi uuvasi varagadΛ ismaacΛΔΛ idi tucayuna daja

ΛΡΑΡΑΝ ducami giñΛΛΑΡΑ ismaacΑΔΑ astia agai
 VΛRAI aapimΛ cΛΛgacΑΓΑ vuvaqui. IñsiΛΛscadΛ
 muquiagi vai astia giñΛΛΑΡΑ aidΛ abiaadΛΓΑ
 gΛAagamu goñiooqui utudui ismaacΑΔΑ Diuusi
 ootosca agai Λoodami. VΛASCΑΓΑ MASiΛΛscadΛ
 gΛNΛmpaidiadagi dai yΛΛdagi uuvasi varagadΛ
 VΛRAI giñtΛtΛgitoda”, astΛtΛdai Suusi Cristo.
 26 Poduucai VΛASCΑΓΑ MASiΛΛscadΛ gacuaadagi
 dai yΛΛdagi uuvasi varagadΛ poduucai aapimΛ
 tΛtΛgidi aa MASVAavoitudai isSuusi Cristo muu
 curusiaba sai cΛΛgacΑΓΑ vuvacΛna oodami dai
 aapimΛ gΛAagai ispovuaadagi asta siΛΛscadΛ
 diviagi Suusi Cristo.

27 Poduucai tomasioora sioora cuaadagi
 Λpaana dai yΛΛdagi Λuuvasi varagadΛ poduucai
 isduucai giñmaatΛtuli Suusi Cristo dai maicΛΛga
 vueeyi navacorΛitai dai alia soimaasi ivuaadagi
 maitΛtΛgitoitai isSuusi Cristo muu curusiaba
 vai cΛΛgacΑΓΑ vuvaidi oodami, poduucai Λgai
 soi duucai nΛidi Suusi Cristo. 28 CascadΛ
 VΛΛscatai maiquiaa gaugacai dai maiquiaa yΛΛcai
 uuvasi varagadΛ aliasi gΛAagai istΛtΛgitodagi
 isSuusi Cristo muu curusiaba vai cΛΛgacΑΓΑ
 vuvacΛna oodami. 29 IsΛmadutai cuaadagi
 Λpaana dai gayΛΛdagi uuvasi varagadΛ dai
 maitΛtΛgitodagi isSuusi Cristo muu curusiaba
 vai cΛΛgacΑΓΑ vuvacΛna oodami Diuusi soimaasi
 taatatuldamu. 30 ΛΛmadutai aapimΛ poduucai
 ivuaadana cascadΛ cococoñi dai maiguupuca
 dai ΛΛmoco asta cooyi. 31 DΛmos isaatΛmΛ
 istΛtΛgitodagi isSuusi Cristo muu curusiaba
 aidΛ gia Diuusi maiviaacamudai issoimaasi

gartaatamituldiadagi. ³² Damos siascada Diusi naidagi ismaacada arcaga ivuaadami dai ismaacada armaicaga ivuaadami agai soimaasi taatatuldamu ismaacada armaicaga ivuaadami vai poduucai maiimia agai Diaavora amadu.

³³ Poduucai tudo gñaaduñi masiascada ganmpaidiadi dai gaugia aagadagi paana dai gayadagi uuvasi varagada varai naraca asta siuu duucu ganmpagi vascatai varai amapai gauga. ³⁴ Ismaadutai biugimucagi gaagai isapaga gaugiagi gquiyarai vai poduucai Diusi maiviaacagi issoimaasi gantaatuldiadi gomaasicada istumaasi ivueeyi aapima ganmpaiditai. Gogaa istumaasi ismaacada gñacaca aapima ojiarai bai duuñimu ana ñsiascada maca ganaidagi.

12

¹ Gñaaduñi gnaagida ñalidi ana amo istumaasi varai maaca. Sai Diusi Ibadai maacai guvucadagai vaavoitudadami sai naana maasi ivuaadana.

² Cal maata aapima sai aidamasi maiquiaa vaavoitudaiña Suusi Cristo aapima siaa duutudaiña mui moonoo ismaacada mañioocai. ³ Aapima gansaagida daivai amoco ismaacada pocaiti sai aagai istumaasi agidi Diusi. Damos isagai ñioquiadi Suusi Cristo poduucai gamaata isagai maiaagai gomaasi Diusi Ibadai guvucadadacada. Dai ismaadutai calaga vaavoitudadagi isSuusi Cristo arDiusi dai agiadi poduucai gamaata

sai istumaasi aagai λgai, λgai aagai Diuusi Ibλadλ guvucadadλcλdλ.

4 Vaavoitudadami viaa guvucadagai isivuaadagi λλmo istumaasi. Diuusi Ibλadλ λgai dai maacai guvucadagai. 5 Vλλscatai ivueeyi Suusi Cristo aa duiñdadλ isducatai istutuidi dλmos vλλscatai ivueeyi λgai vaa Suusi Cristo aa duiñdadλ. 6 Vλλscatai ivueeyi Diuusi aa duiñdadλ dλmos maiλmadugan duucai dλmos vλλscara λgai vaa Diuusi λgai dai soicai vλλscatai. 7 Diuusi Ibλadλ maacai guvucadagai vλλsi vaavoitudadami saidλ ivuaadana λλmo istumaasi vai poduucai gλmaatλ siDiuusi Ibλadλ λλmadu daja vλλscatai, dai istumaasi ivueeyi λλmadutai λrsoiñi vλλscatai vλλtarλ. 8 Diuusi Ibλadλ maacai guvucadagai λλmadutai sai cλλga maatλ aagaiña ismaacλdλ aagai Diuusi, dai Diuusi Ibλadλ maacai guvucadagai aa sai cλλga maatλ caλcana Diuusi ñiooquidλ, 9 dai Diuusi Ibλadλ maacai guvucadagai aa sai vaamioma cλλga vaavoitudaiña Diuusi dai poduucai ivuaadana naana maasi, dai Diuusi Ibλadλ maacai guvucadagai aa sai duduaaidiña coococoidadλ, 10 dai Diuusi Ibλadλ maacai guvucadagai aa saidλ ivuaadana naana maasi gλgarducami, dai Diuusi Ibλadλ maacai guvucadagai aa sai cλλga maatλ gaaagidiña Diuusi ñiooquidλ, dai Diuusi Ibλadλ maacai guvucadagai aa sai maatλ nλidiña asmaacλdλ ñioocai Diuusi Ibλadλ guvucadadλcλdλ dai ismaacλdλ ñioocai Diaavora tatλaañicarudλ guvucadadλcλdλ, dai Diuusi Ibλadλ maacai guvucadagai aa sai ñioocaiña aa ñiooquicλdλ ismaacλdλ maimaatλ λgai, dai Diuusi Ibλadλ

maacai guvucadagai aa sai aagaiña istumaasi aagai ᳵgai ismaacᳵᳵ aa ñiooquicᳵᳵ ñioocai. ¹¹ Vᳵᳵsi gomaasi ivueeyi ᳵgai vaa Diuusi Ibᳵadᳵ. ᳵgai ᳵgai dai maacai guvucadagai vᳵᳵscatai saidᳵ ivuaadana ᳵᳵmadutai istumaasi ᳵᳵgi Diuusi Ibᳵadᳵ ipᳵlidi.

¹² Oodami ᳵᳵcaso dai noonova dai naanaca dai vuupuju dai vᳵᳵscarᳵ ᳵᳵgai vaa tuucugadᳵiñᳵᳵᳵ. Poduucai isduucai ismaacᳵᳵ vaavoitudai Suusi Cristo saagida oidaga ojootosicami dai Diuusi ñiñiooquituldiadamigadᳵ dai maamatᳵtuldiadami dai vᳵᳵscarᳵ ᳵgai ᳵᳵᳵnaadunumu. ¹³ Tomasi aatᳵᳵᳵ ᳵᳵjudidᳵu isgiliego ᳵᳵᳵᳵ, tomatᳵsi ᳵᳵpipiooñi ischo ᳵᳵᳵᳵ vᳵᳵscarᳵ vᳵᳵscatai casi garvapacoñica Diuusi Ibᳵadᳵ guvucadadᳵᳵᳵ ᳵᳵsaidᳵ ᳵᳵᳵraadunumucana aatᳵᳵᳵ, dai ᳵgai vaa Diuusi Ibᳵadᳵ gᳵᳵᳵma daja vᳵᳵscatai.

¹⁴ Poduucai isduucai caagai aanᳵ oodami ᳵᳵcaso dai noonovᳵ dai naanaca dai vuupuju dai vᳵᳵscarᳵ ᳵᳵgai vaa tuucugadᳵiñᳵᳵᳵ. ¹⁵ Isᳵmo oodami potᳵiyagi: “Giñᳵcaso maitargiñnovi cascᳵᳵ maitargiñtuucuga”. Vᳵᳵscarᳵ siaadᳵᳵᳵ maigovai gᳵᳵᳵᳵᳵ ᳵcasodᳵ. ¹⁶ Dai isᳵmo oodami potᳵiyagi: “Giñnaaca maitargiñvuji cascᳵᳵ maitargiñtuucuga”. Vᳵᳵscarᳵ siaadᳵᳵᳵ maigovai gᳵᳵᳵᳵᳵ ᳵnaacadᳵ. ¹⁷ Isvᳵᳵsi gᳵᳵtuucuga ᳵᳵvujicamudai isducatai caᳵcamudai aatᳵᳵᳵ. Siᳵᳵᳵᳵ isvᳵᳵsi gᳵᳵtuucuga ᳵᳵnaacaicamudai isducatai istutiadamudai aatᳵᳵᳵ isuvapiadagi. ¹⁸ Diuusi darai oodami vuupuidᳵ siaaco ᳵgai ipᳵli dai daacadᳵ, naanacadᳵ dai vᳵᳵsi istumaasi viaa

oodami. ¹⁹ Si amo oodami arvujicamudai siaaco daacamudai atuucugad. ²⁰ Damos samicada arvaavoi isamo oodami lcaso dai noonova dai naanaca dai vuupuju dai vascara aragai vaa tuucugadaindara.

²¹ Vasi gartuucuga aliasi gaaagai. Alia tagito aatama garuupuju dai garnoonovi dai garmoo dai garlcaso. ²² Dai ismaacada maiguupuca agai dai sioma gaaagai. ²³ Dai istuidaba sioma maitaagada maasi agai tatai vaamioma nunucadai aatama dai ismaacada siaa araragai isnidi aa oodami agai gia iinapai aatama. ²⁴ Poduucai gardui Diusi cascada. ²⁵ Oodami lcaso dai noonova dai naanaca dai vuupuju. Dai vasi istumaasi viaa oodami abaana saasa agai. Dai vasi aliasi gaaagai. ²⁶ Isamo oodami coococagi amapacara tuucugad maibai tadacana vasi tuucugad. Isamo cali maata ñioocadagi dai aa oodami aagidi sai calgadu mooda alia baigallidina acalli.

²⁷ Poduucai lpa aapima muidu daida aramo aadunumu. ²⁸ Dai vaavoitudadami saagida darai Diusi amoco saida rojootosicamica dai aa saida rñiooquituldiadamigadacana dai aa saida armamaatatuldiamicana, dai aa saida ivuaadana mui naana maasi gagarducami, dai aa saida duduaaidina coococoidad, dai aa sai soicaina gnaaduñi, dai aa saida artataaanadamicana, dai Diusi maacai guvucadagai aa sai ñioocaina aa ñiooquicada ismaacada maimaata lgi agai. ²⁹ Maisiu vasi vaavoitudadami rojootosicami, dai maisiu vasi arDiusi ñiooquituldiadamigad, dai maisiu

vΛΛsi λrmaatλtuldiadami, dai maisiu vΛΛsi ivueeyi istumaasi gλgλrducami, ³⁰ dai maisiu vΛΛsi duduaaidi coococoidadλ dai maisiu vΛΛsi ñioocai aa ñiooquicλdλ, dai maisiu vΛΛscatai maatλ aagai istλiya λlidi λoodami aa ñiooquicλdλ ismaacλdλ maimaatλ λgai. ³¹ Aagiadavurai Diuusi sai gλnmaacana guvucadagai maidλ ivuaada aapimλ istumaasi vaamioma gλaagai. Dλmos aanλ gλnaagidi iñλlidi λmo istumaasi ismaacλdλ vaamioma λrsoiñi isvΛΛsi gomaasi.

13

1 Isistutiadamudai aanλ isñioocadagi aa ñiooquicλdλ ismaacλdλ maimaatλ aanλ tomasi λroodami ñiooquidλ siλλpλ Diuusi tλtλaañicarudλ ñiooquidλ dai ismaioigλadλ aanλ oodami mosarλpan ducami aanλ λmo istumaasi imaacλdλ moscaiti dai maitarsoiñi. ² Dai isistutiadamudai aanλ isaagadagi Diuusi ñiooquidλ dai ismaatλcamudai aanλ istumaasi λλgi Diuusi maatλcatadai dai ismaatλcamudai aanλ mui naana maasi, iscλλga viaacamudai aanλ vaavoidaragai dai poduucai istutiadamudai issibλaco tutusadagi gigidi, mospocaititai aanλ ismaigovai imλdagi dai ismaioigλada aanλ oodami ducami ismaitistutiadamudai aanλ isistuma vuaadagi. ³ Isaanλ gaoidagi vΛΛsi istumaasi viaa aanλ, dai mλsgiñmλidagi gaaagiditai aanλ Diuusi ñiooquidλ, dai ismaioigλada aanλ oodami gomaasi maitarsoiñi giñvλλtarλ.

4 Oodami ismaacada sallaicada oigadai aa agai maoomaliga, dai caa tuutuiga, dai maicoimudada tuutuiga, dai maigagarducada ganalidiña, 5 dai maisoiduucani nidiña aa, dai maivupuiiruga oodami vui, daida ivuaadana istumaasi ipaliadagi aa maisiu mosacaasi istumaasi ipaliadagi agai, silascada aa ñiooquiadagi agai maita ñiooquidiña, dai maivuaama alidiña tomasi soimaasi ivuiddi aa. 6 Dai maibaiganalidiña silascada soimaasi ivuaadagi aa baiyoma baiganalidiña silascada caga ivuaadagi aa. 7 Oodami ismaacada sallaicada oigadai aa maivui ñioocai aa ismaacada soimaasi nidi, dai vascara vaavoituda alidi istumaasi aagidi aa, dai vascara vaavoitudai isaa ipalidi iscaga ivuaadagi, dai vascara apiaoigadai aa ismaacada soimaasi taatamitula.

8 Tomastuigaco oidacamu amadutai ismaacada oigadagi aa, damos aimu istuigaco tiipuca agai Diuusi ñiooquituldiadamigada, dai tomali maitañoocada agai aa ñiooquicada, dai tomali maitaagada agai isDiuusi Ibad maacai guvucadagai oodami sai caga maata cacagi Diuusi ñiooquida. 9 Damos sivi palpi maata aatama Diuusi ñiooquida dai maicaga maata aagai aatama Diuusi ñiooquida. 10 Aimu istuigaco vascatai maata caaca agai vasi Diuusi ñiooquida cascada maitaagada agai isDiuusi Ibad maacadagi guvucadagai oodami isivuaadagi tomali amo istumaasi.

11-12 Tami oidigi daama maimaata aatama vasi istumaasi Diuusi maata apan duucani amo ali maimaata vasi istumaasi maata amo oodami gaducami. Poduucani apa maimaata caa

aatama vasi Diuusi ñiooquida ducami isnaijadagi amo nidacarui ismaacada maicanga maasi damos aimu istuigaco canga maata calcamu aatama vasi Diuusi ñiooquida poduucai isduucai Diuusi garmaat. Dai amo oodami gducami camaitiveeyi istumaasi ivuaadana aliducatai poduucai apa silascada iimia aatama Diuusi amadu camaitivuaadamu istumaasi ivuaadana tami. ¹³Vascara oidacamu siora vaavoitudadagi Diuusi dai siora nalaracagi istumaasi Diuusi idunia aatama garvatar, dai siora oigadagi aa. Damos vaamioma arcangai isoigadagi aa.

14

¹ Aliasi gaagai masaipaco ganoigadagi. Daanadavurai aapima Diuusi sai agai ganmaacana guvucadagai maid ivuaada aapima tomasi amo istumaasi ismaacada ivueeyi aa vaavoitudadami, damos sioma arcangai isaagada aapima Diuusi ñiooquida. ² Agai ismaacada ñioocai aa ñiooquicada ismaacada maimaat, agai Diuusi amadu ñioocai maisiu oodami. Oodami maimaat ca istumaasi aagai agai cascada. Diuusi Ibad maacai guvucadagai sai aagaiña istumaasi agi Diuusi maat. ³ Baiyoma agai ismaacada aagai Diuusi ñiooquida agai gia oodami amadu ñioocai, dai poduucai soicai agai vaavoitudadami sai vaamioma canga vaavoitudana, maacatai ñiooqui dai baiatitudaitai. ⁴ Agai ismaacada ñioocai aa ñiooquicada ismaacada maimaat agi agai vaamioma vaavoitudai, damos agai

ismaacΛΔΛ aagai Diuusi ñiooquidΛ Λgai soicai aa vaavoitudadami sai vaamioma cΛΛga vaavoitudana.

⁵ AanΛ ipΛlidi isvΛΛscatai aapimΛ istutiadamu-dai isñioocadagi Λma maasi ñiooqui dΛmos vaamioma ipΛlidi aanΛ isaapimΛ aagadagi Diuusi ñiooquidΛ. Isñioocada aapimΛ Λma maasi ñiooqui dai maiagadagi istΛiya Λlidi maitΛrsoiñi vaavoitudadami vΛΛtarΛ cascΛΔΛ sioma arcΛΛgai isaagiadagi Diuusi ñiooquidΛ siisñioocadagi Λma maasi ñiooqui. DΛmos isñioocada aapimΛ Λma maasi ñiooqui dai aagadagi istΛiya Λlidi goovai gia Λrsoiñi ΛpΛan duucai isduucai Λrsoiñi isaagadagi Diuusi ñiooquidΛ. ⁶ CascΛΔΛ giñaaduñi iñsaanΛ gΛndividagi dai Λma maasi ñiooqui gΛññiooquiadagi poduucai maitΛnsoiñan tada aanΛ isvaamioma vaavoituda aapimΛ. DΛmos iñsaanΛ gΛnaagiadagi istumaasi Diuusi giñaagiadagi, dai istumaasi maatΛ caΛca aanΛ, siΛΛpΛ isgΛnaagiada aanΛ istumaasi Diuusi iduñia, siΛΛpΛ gΛnaagiada aanΛ Diuusi ñiooquidΛ poduucai gia gΛnsoiñan tada aanΛ.

⁷ SioorΛ iivadagi uusi gitarui gΛaagai iscΛΛga iivada Λgai vai poduucai maatΛ caΛcagi aa istuma iivaragai iivai Λgai. ⁸ Sandaaru saagida oidaga Λmoco ismaacΛΔΛ iivai piito dai iivaiña Λgai Λmo iivaragai dai poduucai aagidiña sandaaru sai vaapaigΛna dai iivaiña Λmai iivargai sai gacocodana goΛΛ iivaragaicΛΔΛ aagidiña Λgai sandaaru istumaasi gΛaagai isiduñiagi cascΛΔΛ gΛaagai iscΛΛga iivada Λgai vai maatΛ caΛcagi sandaaru daidΛ ivuaadagi istumaasi tagitocagi Λgai. ⁹ Poduucai ΛpΛvueeyi aapimΛcΛΔΛ. IsΛmaadutai ñioocadagi Λma maasi

ñiooqui siaadara maata caacana aa iscaiti agai. Ducami isangi ñioocadamudai agai. ¹⁰ Sallicala arvaavoi isoidaga mui naana maasi ñiooqui oidigi daama dai vascatai ismaacada ñioocai maata caa. ¹¹ Dai ismaadutai giññiooquiadagi ama maa ñiooquicala ismaacada maimaata ana poduucai maitaracaan tada aatama aipacoga. ¹² Cascada aapima ismaacada ipalidi isDiuusi Ibada ganmaaqiagi guvucadagai isidunñiagi amo istumaasi ismaacada ivueeyi aa vaavoitudadami, aagiadavurai Diuusi sai agai ganmaacana guvucadagai maid ivuaada aapima istumaasi arsoini vaavoitudadami vatar.

¹³ Poduucai siora ñioocadagi ama maasi ñiooqui ismaacada maimaata agai, gaaagai isaagiada agai Diuusi sai maacana guvucadagai vai gaaagiada istaiya alidi agai añiooquicala. ¹⁴ Isgamamadada ana amai ñiooquicala ismaacada maimaata ana, maata ana issiaa duutudai Diuusi damos maimaata ana iscaiti. ¹⁵ Gaaagai isgamamadada ana siaa duutudaitai Diuusi dai maatacagi iscaiti ana. Gaaagai isganada ana siaa duutudaitai Diuusi dai maatacagi iscaiti ana. ¹⁶ Damos ismaadutai gamamadadagi amai ñiooquicala ismaacada maimaata agai tomali aadun, aadun siaadara potana agai vaavoava. ¹⁷ Tomasi alia caga gamamadai agai maitarsoini aadun vatar. ¹⁸ Ana baigini alidi Diuusicala isvaamioma ñioocai ana ama maasi ñiooqui isvascatai aapima. ¹⁹ Damos silascada grampaidiada aatama vaavoitudadami ana baiyoma ipalidina isaagadagi altaama ñiooqui damos vascatai maata cacagi maisiu baivustan

miil ñiooqui amai ñiooquicada ismaacada maimaata caacagi tomali amaadutai.

²⁰ Giñaaduñi maitavara tatagitoda apan ducai agai ismaacada maiquiaa caaga maata istumaasi glaagai isivuaadagi baiyoma glaagai mascalaga tatagitodagi. Siascalada iduñia aliada aapimamo istumaasi soimaascami amaasi gia glaagai istatagitodagi aapimapan ducai agai ismaacada maiquiaa maata ivueeyi istumaasi soimaascami.

²¹ Pocaiti liivruara ismaacada ooja Moseesacaru sai pocaiti Diuusi: “Aa oodami ama maasi ñioocadami giññoquituldiadamu ajudidíu saagida damos vascara maitiñagidamu ajudidíu”, caiti Diuusi, asduucai ooja Moseesacaru. ²² Poduucai arpa siascalada agai ismaacada maivaavoitudai Diuusi caacagi avaa voitudadami isñoquiagi amai ñiooquicada poduucai glaagai ismaatiagi isDiuusi guvucadadada ñioocai oodami, dai siascalada amaadutai gaaagiadagi Diuusi ñiooquida poduucai maata avaa voitudadami isDiuusi guvucadadada ñioocai agai. ²³ Dai isganampaidagi avaa voitudadami dai vascatai ama maasi ñiooqui ñioocadagi vai vaapaquiagi aa ismaacada maivaavoitudai potliyan tada agai sai vupuiirutu avaa voitudadami.

²⁴ Damos isvascatai aagadagi Diuusi ñiooquida vai vaapaquiagi ammadutai ismaacada maivaavoitudai, agai maatamu isiarsoimaasi ivuaadami dai cascada ama duucai gatagitomu

²⁵ dai siaa duutuadamu Diuusi dai potimu isDiuusi sallaicada ammadu daja avaa voitudadami.

26 Giñaaduñi siΛΛscadΛ gΛΛmpaidiada aapimΛ
 vΛΛscatai ivueeyi istumaasi istutuidi. ΛΛmoco
 ganΛΛdana dai aa gamamaatΛtuldiña Diuusi
 ñiooquidΛ dai aa aagaiña istumaasi aagidi Diuusi,
 dai aa ñioocaiña Λma maasi ñiooqui, dai aa
 aagadamu istΛiya Λlidi Λgai ΛñiooquicΛdΛ, vΛΛscarΛ
 mΛstumaasi ivuaadagi gΛaagai isiarsoiñicagi
 Λvaavoitudadami vΛΛtarΛ. 27 SiΛΛscadΛ ΛΛmadutai
 ñioocadagi Λma maasi ñiooqui ali googocatai
 gΛaagai isñioocadagi siΛΛpΛ vaavaicatai dΛmos
 vaamioma gia cho. DΛmos ΛΛmadutai gΛaagai
 isñioocadagi maisiu vΛΛscatai ΛpΛna. DΛmos
 gΛaagai isoidacagi sioorΛ aagadagi istΛiya Λlidi
 Λoodami ΛñiooquicΛdΛ. 28 DΛmos ismaitiipucagi
 sioorΛ aagadagi istΛiya Λlidi oodami Λma maa
 ñiooqui, sioma arcΛΛgai ismaitΛñioocadagi Λma
 maasi ñiooqui mΛsiΛΛscadΛ gΛΛmpaidiadagi
 sioma arcΛΛgai isΛjΛgi ñiooquiada Λgai Diuusi
 mostΛgitoidadΛrΛ, gomaasi arsoiñi ΛjΛΛgi Λgai
 vΛΛtarΛ. 29 Poduucai ΛpΛ siΛΛscadΛ ΛΛmadutai
 aagadagi Diuusi ñiooquidΛ ali googocatai
 gΛaagai isaagadagi siΛΛpΛ vaavaicatai, dai aa
 gΛaagai isaagadagi sabaig arDiuusi ñiooquidΛ
 ismaacΛdΛ aagai Λgai. 30-32 DΛmos isDiuusi
 aagidagi Λmo istumaasi Λmaadutai ismaacΛdΛ
 daacagi ΛgΛmai ismaacΛdΛ cañioocaitadai
 gΛaagai iscamaiñioocadagi vai ñiooquiagi ΛgΛmai.
 CΛΛga istutuidi oodami iscamaiñioocadagi
 ismaiñiooquia aliadagi. Poduucai isDiuusi
 aagiadagi Λmo istumaasi Λmaadutai gΛaagai
 isaagadagi apΛga Λmoco dai gooquiΛrΛ Λmai vai
 poduucai vΛΛscatai maatiagi dai baigΛΛliadagi.
 33 Diuusi maisisiolitudai oodami baiyoma

soicai sai maisisiocaiña dai ibastudacan tadatudai. Vasi gomaasi ismaacada caagai aan ivueeyi garaaduñi vaavoitudadami ismaacada ganmpaidi tomasiaacoga.

³⁴ Siascada ganmpaidiadagi vaavoitudadami dai siaa duutuadagi Diuusi, ooqui maitaagai isnioocadagi, gomaasi daidarsi. Ooqui aliagaagai isagiadagi gancuucuna poduucai isduucai aagai Diuusi ñiooquidara. ³⁵ Dai isooqui maataca aliadagi amo istumaasi gaagai isquiyara taca agai gancuucuna. Alias arsiaa araragai isamo ooqui nioocadagi siaaco ganmpaidacagi oodami dai siaa duutuadagi Diuusi.

³⁶ Gantagitovurai masai aapim maitarapagadada ismaacada gaagidi Diuusi ñiooquida, dai maisiu mosaca aapim vaavoitudai Diuusi ñiooquida. ³⁷ Isamadutai polliadagi isagai istutuidi isaagadagi Diuusi ñiooquida silapa polliadagi isDiuusi Ibada amadu daja gaagai istagitodagi sai istumaasi ganooji aan Diuusi poduucai ganootosdi ñiooqui. ³⁸ Damos isamadutai maagiadagi istumaasi gaagidi aan aid gia maitaagai masacacagi istumaasi ganaagiada agai.

³⁹ Poduucai gñaaduñi gaagai masdaandagi Diuusi sai agai ganmaacana guvucadagai mai aapim aagadagi Diuusi ñiooquida dai maitavar daidiada aa isnioocada agai ama maasi ñiooqui. ⁴⁰ Dai vasi istumaasi ivuaadagi gaagai mascaga ivuaadagi isducatai gaagai isivuaadagi dai maitavar sisiocada.

15

1 Sivi giñaaduñi aanΛ ipΛlidi mΛstΛtΛgitodagi isducatai gΛnaagidi aanΛ sai Suusi Cristo arcΛagacΛrΛ vuviadami. MΛtai aapimΛ vaavoitu gomaasi dai apiavaavoitudai. 2 Isiarvaavoi iscΛaga vaavoitu aapimΛ tucamidΛrΛ dai apivaavoitudai poduucaci cΛagacΛrΛ vuvacΛi aapimΛ.

3 AanΛ gΛnmamaatΛtuli aapimΛ istumaasi giñmaatΛtuli Suusi Cristo. AanΛ gΛnmaatΛtuli istumaasi vaamioma gΛagagai ismaatΛcagi. AanΛ gΛnaagidi sai Suusi Cristo muu dai poduucaci gΛroigΛldi garsoimaascamiga, poduucaci isducatai aagai Diuusi ñiooquidΛrΛ. 4 Dai aanΛ gΛnaagidi ΛpΛ mΛsai yaasa Suusi Cristo tai Λgai bo vaica tasaicΛdΛ Λpamu duaaca, poduucaci isduucaci aagai Diuusi ñiooquidΛrΛ ΛpΛ, 5 dai sai gΛmaasitu Λgai Piiduru vuitapi, dai gooquiarΛ gΛmaasitu Λgai Λгаа ojootosicami vuitapi. 6 Dai gooquiarΛ gΛmaasitu Λgai vaamioma istaama sientu vaavoitudadami vuitapi bo vasdΛrΛ, dai muidutai Λgai quiaa oidaga dai ΛΛmoco cacoi. 7 Dai gooquiarΛ gΛmaasitu Λgai Jacobo vuitapi dai gooquiarΛ vΛΛsi ojootosicami.

8 Dai cuugatΛrΛ gΛmaasitu Λgai aanΛ giñvuitapi, dai cΛagacΛrΛ giñvuusaitu aidΛsi tomali Λmaadutai maitΛgitocatadai 9 Λгаа ojootosicami vaamioma gatΛaanΛi iñsaanΛ dai aanΛ maitΛagagai mΛsootosicami giñaagadagi. AanΛ soimaa taatatuli Λvaavoitudadami cascΛdΛ. 10 DΛmos Diuusi cΛagacΛrΛ giññaidi cascΛdΛ ΛrootosadΛ aanΛ. Dai aanΛ ivuaadana mui naana maasi Diuusi guvucadadΛcΛdΛ. Dai vaamioma aata vuaadana aanΛ sivΛascatai Λгаа Diuusi vΛascΛrΛ giñsoicΛi

cascadΛ. ¹¹ DΛmos iñsaana gΛnaagidiña Diuusi ñiooquidΛ siΛΛpΛ Λgaa ojootosicami vΛΛscarΛ ΛrΛgai vaa Diuusi ñiooquidΛ ismaacΛdΛ vaavoitudai aapimΛ.

¹² AanΛ gΛnaagidi sai Suusi Cristo duaaca coidadΛ saagidaiñdarΛ, mai Λmadutai aapimΛ pocaiti sai maioidaga duaacaragai coidadΛ vΛΛtarΛ. ¹³ Isiarvaavoicamudai ismaacΛ aagai aapimΛ sai maioidaga duaacaragai coidadΛ vΛΛtarΛ aidΛ gia tomali Suusi Cristo maiduaacamudai. ¹⁴ DΛmos isiarvaavoicamudai isSuusi Cristo maiduaaca aidΛ gia vΛΛsi istumaasi aagai aatΛmΛ maitarsoiñicamudai. ¹⁵⁻¹⁷ DΛmos isiarvaavoicamudai ismaioidaga duaacaragai aidΛ gia aatΛmΛ Λryaatavogami. AatΛmΛ Λgai dai aagai sai Diuusi duaacali Suusi Cristo cascadΛ. DΛmos ismaitarvaavoicamudai isoidaga duaacaragai aidΛ gia maitarvaavoicamudai ΛpΛ isDiuusi duaacali Suusi Cristo, dai poduucai gΛnvaavoidaraga maitarsoiñicamudai, quiaa arsoimaasi ivuaadamicamudai aapimΛ. ¹⁸ DaidΛ Λvaavoitudadami ismaacΛdΛ cacoi maiimimudai Diuusi Λmadu. ¹⁹ Ismaitarvaavoicamudai isiimia ragai aatΛmΛ Suusi Cristo Λmadu siΛΛscadΛ coiyagi aidΛ gia vaamioma soigarΛliadamudai aatΛmΛ siaa oodami oidigi daama.

²⁰ DΛmos Λrvaavoi isSuusi Cristo duaaca coidadΛ saagidaiñdarΛ. Poduucai cΛΛ maata aatΛmΛ isDiuusi garduduaacalda agai aatΛmΛ ΛpΛ. ²¹⁻²² Diuusi idui Λmo cΛΛli dai Adán tΛΛtΛ. Λgai maiΛΛgi Diuusi cascadΛ muu dai cascadΛ vΛΛsi oodami oidigi daama cooyi. GooquiarΛ Diuusi

ootoi gΛmara oidigi daama. Λgai ΛΛgi Diuusi dai aidΛsi muu Λgai Diuusi duaacali coidadΛ saagidaiñdΛrΛ cascadΛ vΛascatai ismaacΛdΛ vaavoitudai Diuusi, Diuusi duduaacalda agai coidadΛ saagidaiñdΛrΛ. ²³ Suusi Cristo ΛpΛga duaaca aidΛsi Diuusi ipΛli dai Λgai ismaacΛdΛ vaavoitudai Suusi Cristo duduaacamu siΛascadΛ diviagi Suusi Cristo Λpamu, siΛascadΛ Diuusi ipΛldagi. ²⁴ Dai siΛascadΛ ugitiagi oidigi tiipuca agai tomali Λmo tΛaanΛdami dai Suusi maidagitua agai isgataΛaanΛdagi ΛDiaavora tΛtΛaañicarudΛ tomali ΛDiaavora amaasi Suusi tΛagida agai gΛsΛlicamiga Diuusi gΛrooga. ²⁵ Cristo gΛaagai isapiaviaacagi gΛsΛlicamiga asta siΛascadΛ ugiritu Diuusi vΛasi ismaacΛdΛ vuidΛrΛ vΛΛtca. ²⁶ Dai cuugatarΛ Diuusi duduaacalda agai vΛasi coidadΛ vai poduucal gΛmaatΛna isvaamioma guvuca Λgai ismuuquigami. ²⁷ Diuusi maa sΛlicami gΛmara Suusi Cristo sai Λgai tΛaanΛiña vΛasi istumaasi oidaga. MosΛca Diuusi maitΛaanΛi Λgai. ²⁸ Dai siΛascadΛ vΛascatai ΛΛgiadagi Cristo amaasi Cristo tΛagida agai gΛsΛlicamiga Diuusi dai Diuusi tΛaanΛdamu vΛasi.

²⁹ Λmoco vaavoitudadami vaavoitudai saidΛ Λrsoiñi isgΛnvapaconadagi coidadΛ vΛΛtarΛ. ¿Damos ismaitΛrvaavoi isoidaga duaacaragai duucatai Λrsoiñi gomaasi?

³⁰⁻³¹ AatΛmΛ ojootosicami vΛas tasai gΛrcooda agaiña oodami. ¿Dai ismaiduduaaca ragai aatΛmΛ coocai tumaasi Λrsoiñi gomaasi aatΛmΛ gΛrvΛΛtarΛ? Gomaasi gia Λrvaavoi mΛsvΛas tasai gimuaa agaiña. IsaapimΛ vaavoitudai isgΛnoigΛdai aanΛ poduucal ΛpΛ gΛaagai

masvaavoitudadagi istumaasi ganaagidi aan. 32 Efeesiara giñcocoda oodami oomaliacami. ¿Tumaasi arsoiñi gomaasi aan giñvattara ismaiduaaca iñaagai aan camuucuai? Isirvaavoi ismaitipu duaacaragai gaagai tasgaiiyagi sivi dai vagiam arliadagi, sioroco siara vaasamacada coiya ragai aatma.

33 Maitavar gandadagitoda isaa ganvupuiirumadadagi gnmamaatatulditai ama maasi. Caa maata aapima sai siora uurapalai oodami maicaga ivuaadami agai aran duucai mamaatara dai soimaasi ivuaadana ara. 34 Gaagai mscagagai gantatagituagi apamu dai camaisoimaasi ivuaada. Amadutai aapima maivaavoitudai isca tuiga Diusi dai siasi viaa guvucadagai, cascada gaagai massiaa aradagi.

35 Amaadutai aapima giñcacamu lien. “¿Asducatai duduaacalai coidada? ¿Dai asmaascana tuucugada?” 36 Siora giñcacagi gomaasi aliasi arvuiirugami. Astucai ismaacada gasai vuvacai dai garai dai gooquiara acaida ismaacada gali camaitipucana. 37 Gasai uunui caida vai vuvacai dai garai dai camaiapa maascana acaida ismaacada gali. Poduucai arvvueeyi tomastuma astucaicada. 38 Diusi poduucai idui cascada. Poduucai ara oodami ismaacada cooyi dai gyaasapai uugitai tuucugada dai siascada duduaaca Diusi gamaaquimu atuucugada imaacada lagi agai ipalidi. 39 Oodami tuutucugada maiapa maasi cacasi tuutucugada, tomali ujuurugi, tomali

vatopadagai. ⁴⁰ Diuusi tɔtɔaañicarudɔ tɔvaagiɔrɔ oidaga dai oodami oidigi daama oidaga cascɔdɔ maiɔɔpa mamaasi tuutucugadɔ. ⁴¹ Tasai dai masaadai dai sisiaavugai maiɔɔpanɔɔsi dadadacɔi, vɔɔscɔrɔ ɔɔmo sisiaavugai vaamioma dadadacɔi siaa. ⁴² Poduucai idui Diuusi vɔɔsi gomaasi dai poduucai iduñia agai siɔɔscadɔ duduaacaldagi coidadɔ. Oodami tuutucugadɔ ismaacɔdɔ gɔyaasapai duvarɔ dɔmos siɔɔscadɔ Diuusi duduaacaldagi camaicoodamu ɔgai. ⁴³ Oodami tuutucugadɔ ismaacɔdɔ gɔyaasapai camaitɔrsoiñi dɔmos siɔɔscadɔ Diuusi duduaacaldagi dadadacɔdamu ɔgai. Oodami tuutucugadɔ ismaacɔdɔ gɔyaasapai camaiguupuacana dɔmos siɔɔscadɔ Diuusi duduaacaldagi amaasi gia gupuacamu ɔgai. ⁴⁴ Oodami tuutucugadɔ ismaacɔdɔ gɔyaasapai oo dai tuucuga dai ɔɔra dai uugiatɔi dɔmos siɔɔscadɔ Diuusi duduaacaldagi camaiugitimu ɔgai.

⁴⁵ Pocaiti Diuusi ñiooquidɔrɔ sai Adán ɔrtuucamidɔrɔ oodami ismaacɔdɔ idui Diuusi sai tami oidigi daama oidacana. Dɔmos ɔSuusi Cristo gooquiɔrioma divia. ɔgai ɔrDiuusi dai maacai ibɔdagai utudui oodami. ⁴⁶⁻⁴⁹ Diuusi idui Adán dɔvɔɔraicɔdɔ dɔmos ɔSuusi Cristo tɔvaagiaiñdɔrɔ divia. Vɔɔsi oodami ismaacɔdɔ oidigi daama oidaga dɔvɔɔraicɔdɔ duñisi ɔpan duucai Adán. Dai vɔɔscatai ismaacɔdɔ vaavoitudai Suusi Cristo ɔpa mamaascamu Suusi Cristo siɔɔscadɔ duduaacagi dai tɔvaagiɔrɔ oidacamu. Suusi Cristo maidɔvɔɔraicɔdɔ duñisi.

⁵⁰ Giñaaduñi aanɔ angɔnaagidi sai oodami tuutucugadɔ maiajioopai tɔvaagiamu istumaasi

ismaac^ΛΔ uugiata^ι maitistuidi is^{ΛΛ}madu daacagi istumaasi maiuugiata^ι. ⁵¹⁻⁵² D^Λmos g^Λnaagidi aan^Λ ^Λmo istumaasi istumaasi Diuusi giñ^Λagidi istumaasi ^{ΛΛ}gi Diuusi maata^Λcatadai. Maisiu v^{ΛΛ}scatai aat^Λm^Λ coiya ragai d^Λmos todian duuc^Λai g^Λrnanatudamu dai ^Λma maasi tuucuga viaacamu dai tomastuigaco oidacamu v^{ΛΛ}si coidad^Λ dai duduaac^ΛΔ. Siuu duucu cacuugata^Λr^Λ iivagi Diuusi ta^Λtaañicarud^Λ piitoc^ΛΔ, duduaacamu coidad^Λ dai tomali ^Λmo imidagai camaicoimu. ⁵³ Poduuc^Λai isduuc^Λai oidaga aat^Λm^Λ sivi maitistutuidi istomastuigaco oidacagi casc^ΛΔ g^Λaagai is^Λpa mamaastua aat^Λm^Λ Diuusi dai amaasi camaicoodamu aat^Λm^Λ d^Λmos ismaac^ΛΔ cooyi gia duvar^Λ tuutucugad^Λ casc^ΛΔ g^Λaagai is^Λpa mamaastua aat^Λm^Λ Diuusi dai amaasi camaicoodagi. ⁵⁴ Si^{ΛΛ}scad^Λ ^Λp^Λduñiagi gomaasi amaasi casi ^Λp^Λduuñimu istumaasi aagai Diuusi ñiooquid^Λr^Λ. Dai aid^Λ abiaad^Λr^Λ camaicoodamu oodami. ⁵⁵ Casc^ΛΔ mait^Λaagai is^{ΛΛ}biadagi muuquigami. ⁵⁶ ^Λoodami ismaac^ΛΔ caoig^Λli Diuusi soimaascamaigad^Λ camaisoimaa taatamai si^{ΛΛ}scad^Λ coiyagi. Diuusi ñiooquid^Λr^Λ maata aat^Λm^Λ isiarsoimaasi ivuaadami v^{ΛΛ}scatai. ⁵⁷ D^Λmos baigiñ^Λlidi aan^Λ Diuusic^ΛΔ. ^Λgai g^Λroig^Λldi g^Λrsoimaascamiga vaavoitudaitai aat^Λm^Λ Suusi Cristo casc^ΛΔ camaisoimaasi taatamu aat^Λm^Λ si^{ΛΛ}scad^Λ coiyagi.

⁵⁸ Casc^ΛΔ giñ^Λaduñi apiavar c^{ΛΛ}ga vaavoitudada dai apiac^{ΛΛ}ga ivuaada Diuusi aa duiñdad^Λ. Aapim^Λ c^{ΛΛ}ga maata^Λ sai aa duiñdagai m^Λsmaac^ΛΔ ivueeyi Diuusi v^{ΛΛ}tar^Λ mait^Λrmos^{ΛΛ}gic^ΛΔ.

16

1 Sivi gΛnaagidamu aanΛ Λmo ñiooqui. AanΛ caaagidi Λvaavoitudadami ismaacΛdΛ GalaasiΛrΛ oidaga isduucatai gΛaagai isΛmpaidiada Λgai tumiñsi gΛraaduñi vaavoitudadami ismaacΛdΛ JerusaleenΛrΛ oidaga vΛΛtarΛ. Dai aapimΛ ΛpΛ gΛaagai ispoduucai ivuaadagi. 2 VΛΛsi tumiñoco gΛaagai mΛsΛcovai darasadagi chichiΛΛqui tumiñsi mΛsmaacΛdΛ gamaitΛcΛi, dai bai darasaca poduucai maiviaaca aapimΛ isΛmpaidagi tumiñsi siΛΛscadΛ mΛΛ divia aanΛ. 3 Dai siΛΛscadΛ mΛΛ divia aanΛ ootosamu aanΛ sioorΛ ipΛliada aapimΛ sai vuidacaiña tumiñsi dai oojai gΛraaduñi JerusaleenΛrΛ oidacΛdΛ. 4 Dai iñsaanΛ istutiadagi isimia ΛpΛ aidΛ gia giñoidamu goovai.

5 SiΛΛscadΛ imia aanΛ gamucu viaa aanΛ isMasedoniamu sΛΛli daivuñiagai, dai gooquiΛrΛ aimu aanΛ CoriintoΛrΛ. 6 GΛnΛΛmadu daaca iñΛlidi aanΛ chiΛΛqui tasai isΛmo toomoco ΛpΛ. Dai siΛΛscadΛ imia iñagada aanΛ boodΛrΛ sibΛacoga aapimΛ istutuidi isgiñmaaquiagi istumaasi tagitoca aanΛ voyΛrΛ vΛΛtarΛ. 7 AanΛ maisiu mosdaivunucai gΛnnΛida iñΛlidi baiyoma ipΛlidi aanΛ isbai tΛvΛpi daacagi gΛnΛΛmadu, isDiuusi ipΛldagi. 8 DΛmos tanasi EfeesiΛrΛ daaca iñagai aanΛ quiaa, siaa duudagΛrΛ uucami ismaacΛdΛ Pentecostési tΛΛgidu. 9 Sivi tami cΛΛga istutuidi aanΛ isgaaagiadagi Diuusi ñiooquidΛ dai vΛΛsi tasai muidutai vaavoitudai, dai muidutai garvuidΛrΛ vΛΛtΛ.

10 Ismael diviagi Timoteo varai cagacara naida vai maiduaadicuda agai. Agai lapa ivueeyi Diuusi aa duiñdada lpan duucal aan. 11 Cascada vascatai aapimaa gaaagai macagacara najadagi. Dai sascada baigovai imia agai boodara varai maaca istumaasi tagitoca agai voyara vatar. Tami nanaa aan Timoteo amadu agaa vaavoitudadami ismaacada oidi.

12 Aana goguama oi graduñi Apoolosi sai oidana gogaa vaavoitudadami dai maaca ganñidana, damos sivi maitipali agai isimiagi. Agai imimu sascada istutiadagi.

13 Gannuucadacavurai vai maisoimaasi ganduiñtuldana adiaavora, dai apiavar caga vaavoitudada. Maitavar lbiada ismaacada ganvuidara vata. Cagacara avroidaca Diuusi ganmaacai guvucadagai cascada. 14 Dai vascara avar oigada vasi oodami.

15 Caga maata aapimaa giñaaduñi sai Acayara lpaaga vaavoitu Tiivañi amadu vascatai ismaacada quiidara oidacatai. Dai aidsi cavaavoitudaimi aa agai soicaiña vasiara istumaasi tagitocana agai. 16 Aana gnaagidi masai siaa duutudaiña dai agidiña agai ismaacada lpan tuutuiga Tiivañi dai aduñda dai vascatai ismaacada gansoicai dai ismaacada ivueeyi Diuusi aa duiñdada. 17 Alia baigiñlidi aana giñdividacai Tiivañi dai Fortunato dai Acayo agai alia baigiñliatu poduucal aapimaa lpa alia baigiñliatudamudai isdadimudai. 18 Dai casi giñiibastan tada aana go amadu gaaatagacai dai polidi aana isaapimaa lpa ganiibastacan

tada. GΛaagai issiaa duutuadagi Tiivañi ΛΛmadu Fortunato ΛΛmadu Acayo. Goovai garsoicai cascΛΔΛ.

¹⁹ Λvaavoitudadami AsiΛrΛ oidacami dai Aquila ΛΛmadu Prisila dai Λгаа vaavoitudadami ismaacΛΔΛ Aquila dai Prisila quidiΛrΛ gΛnΛmpaidi DiuuscΛΔΛ gΛnviaatuldi ΛΛpΛ.

²⁰ Dai vΛΛsi Λvaavoitudadami ismaacΛΔΛ tanai daraaja DiuuscΛΔΛ gΛnviaatuldi. Dai casiavΛr maitΛncocoda baiyomavΛr gΛnviaatuldiada aipaco.

²¹ Tami cuugatΛrΛ gia ΛΛgi ooja aanΛ dai DiuuscΛΔΛ gΛnviaatuldi.

²² SioorΛ maioigΛdai Suusi Cristo Diuusi gaji-aadΛrΛ vipieeyi. AanΛ ipΛlidi isotoma diviagi gΛrtaanΛdamiga Suusi Cristo.

²³ AanΛ ipΛlidi isgΛrtaanΛdamiga Suusi Cristo cΛΛgacΛrΛ gΛnnΛijadagi. ²⁴ AanΛ dai aapimΛ vaavoitudai Suusi Cristo cascΛΔΛ aliΛsi gΛnoigΛdai aanΛ.

MosΛcaasi.

Diushi ñiooquidΛ utuducami oodamicΛdΛ
New Testament in Tepehuan, Northern
(MX:ntp:Tepehuan, Northern)

copyright © 1981 Wycliffe Bible Translators, Inc.

Language: Tepehuan, Northern

Translation by: Wycliffe Bible Translators, Inc.

Tepehuán del Norte [ntp], Mexico

Copyright Information

© 1981, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tepehuan, Northern

© 1981, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

1cd37655-9109-5b5b-ab5d-6e755e5aa421